


Epistola

XXI. OR. Genesim. Iust.

B



Digitized by the Internet Archive
in 2010 with funding from
Research Library, The Getty Research Institute

CALVINVS IVDAIZANS,

Hoc est :

IVDAICÆ GLOSSÆ
ET CORRVPTELÆ, QVIBVS
IOHANNES CALVINVS illustrissima
Scripturæ sacrae loca & Testimonia, de
gloriosa Trinitate, Deitate CHRISTI, &
Spiritus sancti, cum primis autem vaticinia
Prophetarum de Adventu Messiae, nativi-
tate eius, passione, resurrectione, ascensio-
ne in cœlos & sessione ad dextram Dei, de-
testandum in modum corrumpere
non exhorruit.

Addita est corruptelarum confutatio.

per

ÆGIDIUM HVNNIVM,
Sacrae Theologiae Doctorem & Profes-
sorem in Academia VVite-
bergenfi.



WITEBERGÆ,
Excudebat Vidua Matthæi VVelaci.

ANNO M. D. XCIII.



DEDICATORIA

EPISTOLA.

Cui dono lepidum novum libellum,
 Calvini oppositum strophis nefandis?
 Paræo tibi, namque tu solebas
 Calvini esse aliquid putare nugas.

M Irabere fortasse, mi Paræe,
 quæ fiat, quod cum nullus
 mihi tecum hætenus in-
 tercesserit usus aut neces-
 situdo: non dubitârim, tibi haud du-
 biè incorrigendis Biblijs, asserendisq;
 Calvinisticarum ineptiarum quisqui-
 lys & offutijs, alijsq; generis & farina
 huius laboribus occupatissimo homini
 mea hac Epistola dedicatoria, intem-
 pestivè forsan, obstrepere. Atque ego
 sanè, si consieri potuisset ulla ratione,
 præoptassem & tibi parcere, & me
 ipsum hoc scribendi labore sublevare.
 Verùm ut varia nonnunquam inci-
 dunt, quæ aliquem suum institutum
 tenere non sinunt: ita tua in me scri-
 pturiendi protervia (ignosce quæso

voci duriori) mihi quandam necessi-
tatem imposuit ad tuas criminationes
& maledicta respondendi.

LECTA enim mihi est prefatio tua,
prefatio, inquam, aurea illa, quam
parti explicationum Catecheticarum
Zacharia Ursini Silesii, Sympatriota
tui, quarta præfigendam esse putasti.
In ea tu me ob prefationem in tracta-
tum meum de Trinitate annumeras
his, qui συνοδικῶς scriptiones evul-
gent, meq; præter meritum accusas,
quòd Calvino Arianismi crimen im-
pegerim. At tu fortè præ sacris labori-
bus tuis emendationis Bibliorum, ad
epilogum prefationis meæ legendo
pervenire non potuisti, ubi sic scribo:
 „ Non accuso Calvinum Arianismi, si-
 „ cut Græbius impudenti ore me imme-
 „ rentem teterrimæ huius hæreseos ac-
 „ cusavit. Dico autem ansam præberi,
 „ viam sterni, fenestram aperiri, fun-
 „ damenta poni Ariane impietatis, di-
 „ co quendam parari transitum, tot scri-
 „ pturæ sacre testimonijs ceu præsidijs
 atque

atq; propugnaculis Christianorum concussis & everfis &c. Verum ut ut res habeat, omninò accusationi tuæ, nullo ceriè mansuetudinis vel charitatis spiritu tinctæ, (ut tu à nobis flagitas) sed atro virulentie sale perfusæ, ac venenatis maledicentia aculeis infesta (ut tua tibi verba reponam) visum est præsentem hunc libellum apologeticum opponere, & Ecclesie DEI ad oculum demonstrare, me confodiendo Calvinæ glossas impias, quibus aliquàm multis scripturæ locis æternam Deitatem Christi confirmantibus caliginem Iudaicam offundere non reformidavit, nullam prorsus intulisse iniuriam, sed (proh dolor & pudor) nimis esse verum, quòd scripturas sacras ad suam & aliorum perniciem tertris corruptelis à genuino sensu horribiliter aliò deterferit, ut Petrus de hoc hominum genere loquitur. Et ut tibi (si docilis & sanabilis es) pleniorẽ huiusce rei fidem faciam: en adiungam plura testimonia, quæ Calvinus

ille, tuus (non meus) πτόμαχ, ad per-
 fidiam Iudaica infidelitatis, Arianęq;
 impietatis retundenda strophis suis
 hebetavit, inutiliaq; reddidit. Et ne
 quid ad plenissimam tantę rei proba-
 tionem deesse videatur: libet eas in-
 super addere corruptelas, quibus illu-
 strissima vaticinia Prophetarum de
 Messia Iudaicis perversiõibus invol-
 vit, & non modò Scriptorum Ecclesia-
 sticorum veterum & recentium pias
 interpretationes altissimè despexit &
 irrisit, sed in nonnullis ipsorummet E-
 vangelistarum Apostolorumq; sacro-
 sanctas explicationes nequiter eludere
 non est reveritus. Quod ni ad oculum
 demonstravero, precipuè ubi ad illa quę
 dixi, vaticinia prophetarũ devenero:
 nolim ego mihi ulla unquã in re post-
 hac fidem adhiberi. Ceterũ ut ordi-
 nem quendam teneamus: primò ea
 producemus scriptura sacre testimo-
 nia, quę explicationem summorum
 capitum doctrine cœlestis de Deo uno
 & trino, deq; Deitate æterna Christi et
 Spiri-

Spiritus sancti continent: visuri, quomodo hæc stropharum suarum, spinis intricaverit Calvinus. Dehinc examinabimus sanctorum Prophetarum oracula de Messia: quo pacto hæc in fraudem Christianæ religionis adulterarit, ut omnem ad probandum vim, atq; valorem amittant penitus, quamdiu glossemata illa putantur esse vero consentanea.

CAPVT PRIVS.

D*Vo autem sibi sumpsit Paraus diluenda crimina (ut ipse appellat) ex quibus cætera iudicari posse homo rerum istarum rudis & imperitus autumat. Quorum prius ex voce Elohim Gen. 1. Posterius ex sermone magistri nostræ Evæ petitur. Hæc duo, quia maximè idonea putavit, quæ quoquo modo eluderentur, ex illo cumulo & acervo præ reliquis attingere voluit; cætera quàm sicco pede suspensq; gradu præterit? quàm nihil habet, quod vel ad*

speciem saltem excipiat, excuset, aut respondeat?

*Age verò, mi Paræ, retexamus initio ea, quæ tibi visum est sub tue Praefationis incudem revocare. Ad Trinitatis arcânnum contra perfidos eius hostes Iudaos pertinere censent Christiani scriptores, ipsum Dei nomen Elohim, Dÿ, plurali numero non obscure, nec sine ratione positum, quando Moses in vestibulo sua prophetica scripti-
onis ait. Creavit Dÿ; idemq; dehinc in omni scriptura frequentissimè repetitur. Quod pÿ interpretes, prisci pariter ac neoterici, symbolum mysterij adorande Trinitatis esse confirmant, ut verbum quidem singularis numeri essentiae unitatem, nomen autem numeri pluralis personarum in Deo pluralitatem ostendat. Nec sanè, cur de Deo loquantur sacra literæ vocabulo isto pluralis numeri, causa ulla facile dari potest, præter hanc de qua loquimur personarum in sacra Triade pluralitatem, præsertim cum nomen illud
alias*

alias singulari numero non destituatur, ut in plurali ex defectu singularis numeri, poni necesse sit. Ipsum namque thema אלהים legitur expressum Psalmo 114. Hoc adversus reprobam gentem infidelium Iudeorum utiliter iuxta & tempestivè monent Christianæ Ecclesiæ Scriptores, ut eos ex ipsa ea lingua convincant, cuius cognitione maximè adversum nos superbiunt.

Quid verò Calvinus? eximius ille (si Dys placet) servus Dei, ut ipsum Pareus vocitat? Is ex transmarina suæ sapientie tripode sententiam contra nos pro Iudeis pronuncians, ita super Prophetæ Mosi verba commentatur: Habetur apud Mosén אלהים nomen pluralis numeri: unde colligere solent, hic in Deo notari tres personas. Sed quia parum solida MIHI videtur tantæ rei probatio, ego in voce non insistam. Quin potius monendi sunt lectores, ut sibi à VIOLENTIS eiusmodi glossis caveant. Quid.

verò? Num hæ violentæ glossæ sunt, quas ipse textus Mosaicus ostendit esse genuinas? Equidem quinam sint illi Elohim, Moses ipse declarat, dum Deum patrem, eiusq; λόγον, per quem creat omnia, & Spiritum sanctum, creata moli aqueæ virtute sua incubantem, rerum omnium opificem introducit. Quòd si nobis, ô Paræ, minus fides habes, vade & sciscitare ex Zanchio gregali tuo, quem in classem fidelium Dei servorum reponis, cuius liber de tribus Elohim perspicuum dicet testimonium, si ne glossa tam violenta, si verbum, Elohim, de personis adorandæ Trinitatis exponatur, ut Calvinus ille tuus autumat, ideoq; servos Christi verè fideles tam odiose carpit & exagitat?

Quod verò nomen illud Elohim, interdum uni singulatim personæ tribuitur, petitur huiusce quoq; rei ratio non aliunde, quàm ex illo beate Trinitatis arcano. Pater Elohim dicitur, quia non solitariè Deus est sine filio
Spiri-

spirituq^{ue} sancto, sed una cum his, adeoque in Trinitate Deus est: ita ut vox Elohim in hoc quoq^{ue} personali significato respectum mutuum illum pluralitatemq^{ue} divinaram hypostaseon involvat. Vnde fit, ut πρῶτος personis simul unctis, secundario autem personis singulis exposito iam sensu atq^{ue} modo attribuatur.

Quod subdis, Paræ: si tam firmum & tam evidens hoc est Trinitatis argumentum, cur Præfator ille (Hunnius notat) in tractatu suo de Trinitate illud primo loco non posuit? CVR TO-
V M O M I S I T? Respondet Hunnius: cur tu, Paræ, vel præsupina securia & negligentia non prius tractatum ipsum perlustrasti, ut dispiceres, anè illud omissum (ut tu fingis) vel non? Etenim ut tandem aliquando vigiles, & maiorem posthac in scribendo cautionem adhibeas: iubeo te inspicere paginam primæ editionis 69. eundem editionis secunda paginam 68. ubi sic legitur: Qu. Proba, quòd in
una

„una simplici Deitate plures sint, quam
 „una, persona? Resp. Hoc mysterium
 „in veteri & novo Testamento reve-
 „lavit Deus. Atque hoc testantur una
 „versa ea dicta, quibus Deus אלהים
 „hoc est, Dii in plurali numero nunc
 patur. Imò post hæc diluuntur in edi-
 tione mei Tractatus posteriore, ea quæ
 Iudæi contra hoc argumentum nobis
 obiectant: solvitur & sophisma Cal-
 vini de voce Elohim etiam singula
 personis attributa. Hæc cum lucidissi-
 mè posita in meo libello reperiantur, et
 Paræ, nihilominus in scenam orbi
 Christiani prodire audes, tam crassum
 & spissum commentis, ut scriptites, id
 argumentum in meo tractatu totum
 esse omissum? O te hominem supinæ
 negligentia, si non inspecto exemplar
 tam audacter pronuncias: extrema
 verò malitia & impudentia, si vidisti
 à me disertè positum esse id, quod in meo
 libro totum omissum esse per mendaci-
 um sexcentos pedes spissum & crassum
 fingere non erubescis. Tamen si quis
 qui

quid hac in re scripsisti errans, in humaniorem illam partem, quæ desidia est, interpretari malo, quàm in hanc deteriorem rapere, quæ malitiæ tuæ & enormis impudentiæ foret.

Verùm progredere metum, & amplius dispice, quàm probè in sequentibus rem administraveris. Obieci & illud, quod mater nostra Eva, suscepto Caino, dixisse memoratur: Possedi virum Iehovam. Ex quo Christiani interpretes coniecturam faciunt, ipsam scivisse, Messiam futurum esse verum Deum. Id verò dixi Calvino displicere, cui sine omni ratione, adeoq; etiam contra Hebraici textus veritatem plus irriserit Dativus (Domino) qui in Hebræo non reperiatur, quàm Accusativus, qui expressè in textu positus non ullum alium sensum gignat, quàm quod Eva (licet in individuo decepta) Messiam, quem se iam putabat in lucem edidisse, indicavit futurum esse verum Iehovam.

Contra hoc Paraus obtendit quidem

dem versionem 70. Interpretum.
 Thargum item. Sed tantisper nihil
 proficit, quoad demonstret, articulum
ON voci prepositum esse alterius, quàm
 accusativi notam. Et quod Luther
 versionem obtendit, qui anno 45. ve
 terit: vom **ON** Errn: à Domino: princ
 piò respondetur, Paræum ita tracta
 Divi Lutheri Biblia, ut haud abs
 dubitem, sitne ei quicquam habere
 dum fidei, nisi quod oculorum sensu
 exposuerit. Deinde si credamus ei, ut
 de nos certiores reddet, esse Luther
 potius verba, quàm prepositionem ge
 manicam (vom) per typographicam
 σφάλλουα quod fieri perfacile potuit, in
 repisse? tertio si testatum fecerit ipsi
 esse Lutheri, negare tamen non vale
 bit, penitus inspectis hebræis fontibus
 id esse emendatum. Deniq; aliud quod
 meminerit esse Paræus, si quis senten
 tiam aliquā proponat simpliciter, sa
 vo relicto aliorum iudicio, aliud ver
 esse, si Calvinus suam, quæ verita
 bebræe linguæ consona non est, ita p

nat, ut secus sentientes, & propius ad fontes Hebraeos accedentes carpat & suggillet.

Tertiò dictum & ostensum est in praefatione mea, ex eo, quod Gen. 19. habet Moses: pluit Iehova à Iehova. rectissimè adstruxisse Christianos argumentum probandæ Trinitatis, quod nimirum in Deo plures sint personæ, siquidem expresse Iehova à Iehova, Dominus à Domino pluisset sulphur & ignem asseratur. Dixi & dico, Calvinū hoc abnegando causam agere Iudaorū contra Christianos interpretes, haud aliter ac si à Iudeis hanc ad rem stipendio conductus sit. Ad id respondendum erat, Parae, sed respondes ac dicis nihil. Ut verò illa petulantia Calvinī luculentiùs omnibus pate scat, repetere hoc placet ipsius Iudaicam glossam, quæ sic habet: Quod veteres Christi divinitatem hoc testimonio probare conati sunt, MINIME FIRMUM est, ac SINE CAUSA, meo iudicio, TVMVLTVANTVR.

QVI

QUI ACRIVS IVDÆOS
EXAGITANT, quia non ad-
mittant tale probationis genus. Fa-
ctor quidem, Deum semper agere
per manum filiū sui, ac tam memora-
bili vindictæ exemplo filium præfu-
isse non dubito, sed parum solidè ra-
tiocinari DICO, qui plures inde per-
sonas eliciunt, cum Moſis consiliū ex-
presſe fuerit, lectorum oculos ad spe-
ctandam Dei manū erigere & acuere
*Hec ille. At ipsa emphatica repetitio
nominis Iehovæ infallibiliter docet
plures notari personas, ipseque verborum
sonus (pluit Iehovæ à Iehovæ) hæc ci-
tra ullam altiore rationationem
ultrò denunciat. Nunquam igitur in
eternum excusari poterit hæc audacia
Calvini, qua insurgit adversus asser-
tores sacrosanctæ Trinitatis, & sine
causa illos adversus Iudæos tumultua-
ri scriptitat.*

*Obieci quarto loco, id quod Moſe.
ſcribit Gen. 35. Iacobum edificantiem
altare (non angelis, quibus altaria*

nec dicantur nec extruuntur, sed Deo)
 appellasse locum illum Bethel, id est,
 domum Dei, assignata ratione Etymii
 sive nominis, quia apparuerint ad il-
 lum D I I. Quod evincenda contra re-
 probos Iudeos doctrina de Trinitate
 non obscurum testimonium est: præ-
 sertim cum non tantum nomen, Elo-
 him, numero plurali sit positum, sed
 etiam verbum adiunctum (appa-
 ruerunt) eodem numero usurpatum
 reperiatur. Idq; cum Interpretes Chri-
 stiani eò referant: Calvinus tamen,
 ut altius sapiat, ab eis palàm dissidet,
 & de Angelis exponit. Verba eius sunt
 hæc: Adde, quod Iacob continuum
 dei suæ tenorem ostendit, ex quo
 D E V S se illi manifestare cœperat,
 quia hoc sibi proponit, quòd Angeli
 apparuerint. Nam cum pluralis sit
 verbi numerus, de Angelis libenter
 interpretor. Quam Calvinii glossam,
 ut ἀνὸς αὐτοῦ textus ipse Sole meridiano
 clariùs refellit Siquidem negari non
 potest, Iacobum denominaasse locum il-
 lum

lum Bethel, eò quod apparuerint ibi Elohim. Absurdum autem, referre rationem nominis Bethel (quod domus DEI denotat) ad creaturas, quasi videlicet angelis locum illum sanctificauit, Angelis altare ibi extruxerit, & propter angelos eum locum domum Dei vocarit: quod citra idololatrie crimen facere non potuisset: sed quia necessario fatendum est, uni soli DEO. Iacobo honorem illum esse habitum luculenter apparet, immerito Calvinum hoc testimonium, probanda contra Iudeos sacrosanctæ Trinitatis glossa fatili sua enervare.

Quod attinet locum illustrem Psalmi 2. Filius meus es tu, ego hodie genui te: nullo colore vel probabiliter saltem excusari potest impium Calvinum glossema, referentis hac primò & secundum literam ad Dauidem, secundariò verò demum, & subtypi duntaxat ratione ad Christum: idq. contra Sanctorum Apostolorum authenticam exegesis. Etenim de Christo hac unico
intell.

intelligenda esse, indubius testis & interpretres est Paulus Actor. 13. nec non Autor Epistolæ ad Hebræos cap. primo & quinto. Discipuli quoq; primitivæ Ecclesiæ in Actis Psalmum hunc de Christo unanimiter exponunt, & Davidem ibi prædixisse confirmant uno ore, quomodo adversus sanctum Filium Dei Iesum insurrecturi sint Herodes & Pontius Pilatus, cum gentibus & populus Israel. Qua ergò, non dicam mente, sed fronte, ausus est Calvinus hæc (Filius meus es Tu, Ego hodie genui te) contra mentem Davidis, contraq; Canonicam sanctorum Apostolorum & Apostolicæ Ecclesiæ interpretationem adaptare Davidi? Sic enim Calvinus: Filius meus es. Potuit quidem David regij iuris intuitu censerì Dei Filius, quemadmodum scimus, Principes, eò quòd præ alijs excellant, tam DEOS, quàm DEI filios vocari. Sed hìc DEVS singulari elogio D A V I D E M ornans, eum non modò supra cunctos mortales,

les, sed etiam supra Angelos extollit

Quod prudenter expendit Aposto-

Apostolus vero, ô Calvinè, de Davide negrj quidem illic, sed de solo æterno filio Dei.

lus ad Hebræos, cap. i. v. 5. dum hoc nulli unquam Angelo fuisse dictum admonet. Quamvis enim Angelis inferior esset David, quatenus tamen gestavit Christi personam, meritò illis longè præfertur. Sciamus ergò hîc Dei Filium, non unum quempiam ex multis, sed unigenitum designari, ut solus in cœlo & in terra emineat. Quòd autem D E V S se illum genuisse pronunciat, referri debet ad hominum sensum vel noticiam. David enim genitus à D E O fuit, dum clarè apparuit eius electio. Itaque ad verbum (Hodie) tempus illius demonstrationis notat : quia postquam innotuit, creatum divinitus fuisse Regem, prodijt tanquam nuper à Deo genitus : quia hominì privato tantus honor haberi non poterat. Eadem in Christo quoque relatio tenenda est. Non enim genitus dicitur, nisi quatenus Pater filium suum esse TESTA-

T V S

IVS EST: Scio, locum hunc de
 eterna Christi generatione à multis
 fuisse expositum, qui & in adverbio,
 Hodie, **ARGVTE** philosophati
 unt, ac si perpetuum actum extra
 tempus notaret: Sed huius vaticiniij
 fidelior ac magis idoneus interpres
 est Paulus, qui Act. cap. 13. e. 33. ad
 illam, quam dixi, cœlestis Christi glo-
 riæ demonstrationem nōs revocat.
 Genitus ergo fuisse dicitur, non ut
 Filius **DEI** esse, quo ad se inciperet,
 sed ut talis patefieret mundo. Deniq;
 hæc genitura **NON DE MV-**
TVO PATRISET FILII
RESPECTV intelligi debet, sed
TANTVM significat, eum qui
 fuerat ab initio absconditus in arcano
 Patris sinu, & obscurè deinde sub le-
 ge adumbratus, ex quo prodijt cum
 laris insignibus, cognitum fuisse Fi-
 lium Dei: sicut etiam dicitur Iohann.
 1. b. 14. conspeximus gloriam
 eius, tanquam unigeniti Filij.

Vides hic, optime lector, augustis-

simum hunc locum (Filius &c.) de quo
 Epistola ad Hebræos ait: cui dixit un-
 quam Angelorum, Filius meus es tu,
 ego hodie genui te, audere infelicem
 istum paraphrasten de Davide expo-
 nere: cum ne quidem Angelis cælo-
 rum, nedum Davidi competat. Quod
 enim garrit, Davidem ipsum præferri
 Angelis, eò quod personam Ch. isti ges-
 serit, id est, quod fuerit typus & figu-
 ra Christi, ut hinc expectum act, cui
 David præ angelis appelletur filius Dei:
 facit ne, intelligendo ut nihil intelli-
 gat. Nonne enim hoc pacto & serpens
 æneus ille olim in deserto suspensus
 quia typum evidentissimum gessit
 passionis Christi, esset angelis excel-
 lentior? imò ipse etiam bruta pecudes,
 que olim Christi passionem in sacrifi-
 cijs representabant. Impium igitur &
 verè Iudaicam est, sublimem illam ex
 Deo generationem, de qua Psalmus
 disserit, referre ad Davidem Estq; sin-
 gularis audacie, Christianos interpre-
 tes, qui hac de æterna Filij genitura

mutuq; Patris & Filij respectu intel-
 gunt, ita petulanter vellicare & sug-
 illare, cum quidem, ut ostensum est,
 ex latius illorum confodiatur ipsa scrip-
 tura Apostolica. Hoc verò, mi Paræ,
 non faciunt eximij servi Dei, qua-
 rem tu Calvinum deprædicas.

Neg; nostre expositioni tantillum
 adversatur. Apostoli Pauli locus in A-
 ctis cap. 13. sed eidem potius aperte
 suffragatur. Quod enim ex hoc Psal-
 mi versiculo. Paulus Christi resurre-
 ctionem evincit: hoc ipso personæ re-
 surgentis æternam Deitatem verbis
 psalmi celebratam, ut fundamentum
 sue probationis præsupponit. Ob hoc
 ipsum n. (quod persona hæc, cuius caro
 ex mortuis resurgens personaliter est
 propria, est unigenitus Dei Filius, ho-
 lie in æternitate genit.) impossibile est,
 ut caro eius vel corruptione subeat, vel
 in morte detineatur. Quæ in modum et-
 æ Divus Athanasius de Incarnatione
 verbi eiusq; corporali ad nos aduentu,
 et de passione in oliveto: nec non

Divus Cyrillus ad Theodosium, ex æternitate personæ τὸ λόγος necessitate resurrectionis ipsius secundum carnem ἀδαμαντίως inferunt & concludunt

*Porro præfatione illa mea iugula vi etiam pudendam corruptelam ver-
siculī Psalmi 33. Verbo Domini cæli
firmati sunt, & Spiritu oris eius omni-
exercitus eorum. Quod aliàs tam illu-
stre est Trinitatis testimonium, qua-
le ferè nullum extat in universa ve-
teris Testamenti scriptura Propheti-
ca, utpote in quo notanter adeò per-
sonæ singule ipsis etiam nominibus
suis designantur. Iehovæ enim voce Pa-
trem notari extra controversiam est
Verbi appellatione venire Filium, ir-
refragabilis Autor est Iohannes. &
Evangelista & Apostolus. Spiritu oris
Domini, Spiritum sanctum intelligi
& nomen & res ipsa palàm edocet, ut
qui per spirationis modum ex incorpo-
rali ore divine essentiae Patris proce-
dit, ideoq; Spiritus oris eius cognomi-
natur. Hæc certa & hac cæli terræq;
machina*

machina solidiora sunt. Sic enim & tota Trinitas creationi præfuisse memoratur, eundem planè in modum, quo Moses capite primo Genesew (unde hic Psalmi versiculus tanquam totius historie creationis compendium, desumptus ac velut transcriptus est) Dominum dicendo seu per verbum suum creasse res, & spiritum DE I motasse illius commemorat. Hæc catholica expositio sordet magno illi Theologo, Iohanni Calvino, & super versiculum illum Psalmi futilissima inanitate nugatur potius quàm commentatur hoc modo: SVB FILIVS inquit: veteres hoc elogio usi sunt contra Sabellianos, ut æternam Spiritus Deitatem assererent. Atqui ex alijs locis patet, ac præsertim ex Esaia cap. 11. a. 4. spiritu oris notari sermonem: illic enim de Christo dicitur: percutiet terram virga oris sui & Spiritu labiorum interficiet impiū. Sicūt autem potestate & efficacia plenus sermo allegoricè vocatur oris sceptrum: Ita alio

sine postea dicitur halitus, ad discrimen notandum sermonis DEI, & inanis resonantiæ, quæ ex ore hominum prodit. Ergò in probanda Deitate Spiritus, hoc testimonio Sabelium urgere non auderem. *Eodem pacto pervertit ipsum istum locum in suis Institutionibus lib. 1. cap. 13. Sectione 15. Veterum Christianorum interpretum piam & orthodoxam enarrationem sic exagitans: Sciens ac volens supersedeo à multis testimonijs, quibus usi sunt veteres. Plausibile illis visum est citare ex Davide, Verbo Domini cœli firmati sunt, & Spiritu oris eius omnis exercitus eorum, ut probarent, non minus Spiritus sancti opus esse mundum, quàm Filij. Sed cum in Psalmis usitatum sit, his idem repetere, & cum apud Esaiam Spiritus oris idem valeat, atque sermo, INFIRMA illa ratio fuit.*

*Principiò debile admodum est,
quod*

quod ex consuetudine Psalmistæ raciocinatur, solere illum his 1. em repeterere. Nam ut hoc deur in multis; in multis tamen contrarium observari certissimum est. Impertinenter etiam ad institutum suum accommodat illud Esaie 1. siquidem nullum est raciocinationis vinculum à substantiali verbo, de quo Psalmus 33. agit, ad verbum prædicatum seu vocale, de quo putat Calvinus Esaiam loqui cap. 1. Adhæc per Spiritum labiorum in Prophetæ contextu certum est non ipsum Verbum Evangelij, sed Spiritum sanctum intelligi. Hic enim est, per quem Messias percutit terram, seu ut Christus ipse nobis explanat, iudicat mundum, Iohan. 16. hic est, per quem interficit impium; videlicet per spiritum oris sui 2. Thessal. 2. tametsi mediante verbo. Ideoq. Prophetæ Spiritum labiorum Christi, ut causam efficientem, & Verbum, ut instrumentum cōnectit. Adhæc coherentia vaticinij palam arguit, eum notari Spiritum quem

quem paulò ante super Christum è radicibus Isai prodeuntem requieturum dixerat, qui est spiritus sapientie ac scientie, spiritus roboris ac fortitudinis &c. tertia videlicet gloriosa Trinitatis persona. Quod si in his (spiritu oris eius. omnis exercitus eorum) non Spiritum sanctum, sed, ut Calvinus interpretatur, τὸ πρῶτον λόγον secundam personam Deitatis intelligendam esse quis existimat, edisserat nobis, ubi unquam usquam unigenitus ille λόγος, in uniuersa scriptura Spiritus Iehoua nominetur? Non enim simpliciter & absolutè spiritus (quod ad essentiam referri posset) sed Relatè spiritus Iehoua seu Dei patris dicitur hic spiritus, cuius Psalmista commemorat. Dicat ergo nobis, siue Paraus, siue quicumq;, tandem Caluini patrociniū suscepturus est, ubi tandem, quo in libro scriptura; & quo capite filius Dei dicatur Patris sui spiritus? Num enim tandem cuius nigratori fu erit etiam absque scriptura luce ex fumo proprij

pr̄ij cerebri gignere privatius interpre-
tationes? aut per illam scripturarum
ἐξ ἐβλῶ, ut Petrus nominat, ex quo vis
quidvis effingere? aut num̄ eò progre-
diemur cum Calvino absurditatis, ut
somniaemus, Deum Patrem ex ore sub-
stantia suæ duos. producere distinctos
spiritus? puta λόγον seu Filium DEI,
quem hic Spiritum oris Domini voca-
ri Calvinus noster autumat, deinde &
Spiritum sanctum, quem ipsum etiam
à Patre procedere Christus autor est,
Iohan 16. Hac aliq̄, prius assignata
pondera rationum vidit Pareus nullo
victō convelli posse. Itaq̄, praterire
maluit, quàm irritò cœnatu laborare
in salvandis ijs, quæ medicam manum
non admittunt. Atq̄, hæc sanè ex vete-
ri Testamento producta tum in mea
p̄fatione erant, quæ demonstrabam
à Calvino in commodum Iudeorum &
Arianorum horribiliter esse deprava-
ta. Ceterum ut videat Pareus esse his
longè plura: non dubitabo in ipsius
gratiam laborem istum suscipere, &
in

includendis testimonijs Spiritus sancti veteratoriam κωδίαρ κη παρρηγίαρ Calvini documentis pluribus ob oculo statuere.

Ex verbis Psalmi 45. Thronus tuus, ò Deus, in seculum seculi: virga rectitudinis virga regni tui. Dilexisti iustitiam & odisti iniquitatem. Propterea unxit te, Deus, Deus tuus oleo letitiæ supra consortes tuos &c. Auctor Epistolæ ad Hebræos æternam Filii Dei aeternam populo Hebræo, ad quem scribit, demonstrat, inquiens: Ad angelos quidem dicit: qui creat angelos suos spiritus, & ministros suos flammam ignis. Ad FILIUM autem Thronus tuus, Deus, in seculum seculi. Virga rectitudinis virga regni tui Dilexisti &c. Habes luculentam explicationem, eamq; à Dei spiritu profectam, hæc nimirum ad FILIUM esse dicta. Quod argumentum testimonio Psalmi superstructum fatiscet totum, imò corruet, si ad alium quàm Christum verba illa Psalmi perti-

nera

*nere contendat. At hoc non dubitat
facere Calvinus, de Salomone perico-
pen illam Psalmi enarrans, & hunc
in modum Iudaizans: SIMPLEX
& GENIVVS sensus est, SA-
LOMONE non tyrannicè do-
minari, ut plerisque Reges, sed rectis
& æquis legibus: ideoque solium eius
omnibus seculis fore stabile. Et com-
mentans in cap. i, Hebr. ait, faten-
dum esse quidem, de Salomone hunc
Psalmum fuisse compositum instar
Epithalamij, quia illic celebratur eius
coniugium cum filia Regis Ægy-
pti. Hæc ille. Quamprimum verò Cal-
vinus largitur Iudeis, Psalmistæ di-
ctum sensu simplici suo & genuino
non Christum spectare, sed Salomo-
nem: protinus redditur Apostolicum
argumentum hiulcum valdè non
ἡ σοφία τοῦ κόσμου, ut quod nec simplici nec
genuino sensu nititur. Atque sic in cas-
sum post laborat Calvinus, sub typi ra-
tione hæc ad Christum referens. Ob-
strepens*

strepent enim Iudai, se in eo sensu, quem Calvinus ipse dicat esse simplicem & genuinum, acquiescere & alterum anagogicum illum, tanquam minimè nativum aut genuinum, Calvinò relinquere. Intelligunt lectores non stupidi, quomodo strophis suis immū fundamentum labefacere tentet Sathanas, ut omnis ad probandum vis exspiraret & in auram evanescat.

Iam porrò ex collatione Psalmi 68. & Epistolæ ad Ephes cap. 4. inviduum argumentum emergit ad probandum, Christum esse verum D. E. V. M. Nam de ipso Iehova prædicat ille Psalmus, quod in altum ascendat, & captivam ducat captivitatem, & dona det hominibus. Hoc cum in Christo impletum esse Paulus, aperit confirmet: nonne liquidò declarat, Christum esse illum Iehovam ibidem à Psalte Israëlis celebratum ac decantatum? Et certum est, eiusmodi res totæ Psalmo eo describi, quæ ad Christi regnum unice quadrent. Cum igitur
habea-

habeamus irrefragabilem ipsius Pauli
 paraphrasin, quid dubij reliquum esse
 potest, quò minus de Christo Davidem
 in Spiritu sancto vaticinatum esse
 credamus? Calvinus autem Apostolo
 Paulo, qui in tertio cælo Theologiam
 suam didicit, longè doctior & sapien-
 tior, hæc Davidis regno terreno ad-
 aptare maluit contra luculentissimam
 interpretationem Paulinam, quàm
 Christo. Videamus, quomodo illustre
 vaticinium Prophetæ crucifigat: Ad
 psalmi illius versiculum 19. ascendisti
 in altum, captivam duxisti captivitatem
 &c. hæc annotat. Minimè dubi-
 um est, comparatione diuersi tempo-
 ris illustrari novam gratiam, quæ sub
 Saul sepulta, Davide regnum ade-
 pto, iterum illuxerat. Subest enim ta-
 cita Antithesis inter iacere & in sub-
 lime attolli: ac si dixisset: in tristi po-
 puli dissipatione non apparuisse DEI
 gloriam, qualis olim conspicua fue-
 rat. Regnum enim Saulis sicuti à pra-
 vis & illicitis exordijs cœperat, male-

C

dici

dici oportuit, donec sub Dauide gratiæ suæ lucem Deus restitueret: quo felici successu palàm factum est, Davidem legitimis auspicijs regnare, quia diuinitus & electus erat.

Ecquid verò censes, optime lector, de hoc αὐτοδιδάκτω scripturarum interprete, qui pro supercilio suo integrum sibi esse putat, scripturas ex suo tractare libitu, sepositis & ab alto despectis ipsorummet Apostolorum interpretationibus. Etenim quid de allegatione Paulina sentiat, indicio nobis est arrogans eius vox, qua scribit, Paulum locum hunc SVBTILIVS ad Christum DEFLEXISSE. Ne tamen tanti Apostoli autoritatem planè contemnere velle videatur, hanc clementiam ei exhibet, ut illum sub figura ratione versum Psalmi ad Christum retulisse pronunciet. Quod ipsum tamen est purum putum commentum. Sed verba ipsa recognoscamus Caluini hoc modo scribentis: Cæterum quia locum hunc Paulus SVBTILIVS ad

ad Christum DELEXIT ad Ez Paulus
 1. Thes. cap. 4. v. 8. videndum est, quàm arguitur
 bene hoc cum mente Davidis conven à Caluin
 niat. Certè principium illud everti no, quòd
 nullo modo potest, Davidem ea lege locum Psa
 præfuisse veteri populo, vt sub figura tilius De
 la Christus Rex æternus suum im flexerit.
 perium inchoaret. *Hec Calvinus. Pro-*
bandum incumbit supercilioso Docto-
ri, ea, quæ secundum geminum sen-
tium de Davide dicta falsò putat, Pan-
um non nisi per sensum subtiliùs de-
lexum interpretari de Christo. Nun-
quam hoc, nunquam in ultimam usque
perpetuitatem evincet. Et an non hoc
est flagellare sanctum Apostolum, tri-
buere ei subtilitates & à sensu genui-
no deflexiones in allegandis Prophetar-
um scriptis, confirmandisq; inde fidei
Christianæ summis articulis? & con-
scientijs hominum in re tanta super
im debile fundamentum adificandis
aque non solùm ruinam minabitur
ac ratione argumentum illud Deita-
is Christi super Psalmi & Paulina

παραφρασις comparatione exedificatum : sed simul etiam Davidicus in locus Psalmi ad probandam ascensionem Christi in cælos valdè languide erit & infirmus, si verba illa (ascendisti in altum, captivam duxisti captivitatem &c) primò & simplici ac cepta sensu Christum nihil attingant, sed gloriam & victorias Davidis cantant, ad Christum verò non nisi per sensum subtilius DEFLEXVM referantur. Ita namq; Iudæis ex ore Calvinii respondere promptum erit, se in proprio sensu acquiescere, nec morari eum, qui à nativa sententia non nisi per subtilitatem quandam deflectatur. Opera autem precium est & hoc attendere, quod Calvinus eadem phrasim perstringat interpretationem Pauli qua supra Scriptorum Ecclesiæ sententias circa locum Genes. 4. & versiculum Psalmi 33. ut subtiliores improbavit. Estq; solenne prorsus huic Aristarcho subtilitatis vocabulum in censendis aliorum sententijs in deteriore usum parare.

are partem, quando illis perstringere
 vult ut minus proprias aut ad rhom-
 um nihil pertinentes. Sed talia plura
 videbimus infra, precipuè cum ad va-
 icinia de Christo fuerit deventum,
 Nunc reliqua Scripture dicta lustre-
 mus, Caluini corruptelis commacula-
 ta, quibus aliàs vel Mystertum Trini-
 tatis, vel Salvatoris Messia Deitas as-
 sertæ extat.

Illustre & eximium est, quod Mi-
 chæ quinto legitur : Et tu Bethlehem Dictum
 Ephrata, quæ parua es in millibus Iu- Mich. 5
 da : ex te mihi egredietur, qui sit Dux
 Israelis, cuius egressus ab initio, A,
 D I E B V S A E T R N I T A T I S.
 Hoc testimonium Scriptores Ecclesia-
 stici, veteres & neoterici hætenus ad
 æternam Christi generationem & es-
 sentiam retulerant, ut inde probatum
 redderent, Messiam, præter naturam
 humanam, præditum esse oportere di-
 vina æternâq. natura. Et piè illi, or-
 thodoxè, eruditè appositèq. common-
 strant, geminum à Propheta notari
 C 3 egressum

egressum Christi, alterum ex Bethleh
hem secundum carnem, alterum à die
bus aternitatis iuxta Deitatem. per in
effabilem generationem à patre, de
cente Domino: egressus eius ab initio
à diebus aternis. Quem etiam sensum
textus simplicissime redditus & acce
ptus sine ulla prorsus ambiguitate sup
peditat. Verum ne hoc quidem inta
ctum relinquere potuit Calvinus, quia
repudiata nostrorum hominum sen
tentia inum fundamentum propheti
ei dicti labefactaret, & aciem proba
tionis aduersum infideles obtunderet
ac hebetaret. Glossa eius hac est: Cæ
terum adiungit Propheta, egressus
eius esse ab initio, vel à longa vetusta
te, & à diebus seculi: hoc est, diebus
æternis. Hic significat, non fore hoc
repentinum, quòd surget princeps,
qui populum gubernet: quia iam os
lim hoc diuinitus fuit decretum. Hic
EST SIMPLEX SENSUS.
Scio, quosdam insistere **PERTI
NACIVS**, quòd hic loquatur Pro
pheta

pheta de æterna essentia Christi, &
 quantum ad me spectat, libenter ag-
 nosco hic probari nobis Christi di-
 vinitatem. Sed quia hoc nunquam
 extorquebitur à ludæis, malo simpli-
 ter accipere quod sonant Prophetæ
 verba, Christum non ita repente pro-
 liturum ex Bethlehem, quasi de-
 o nihil Deus statuisset. Egressus er-
 go eius sunt ab initio, inquit. Alij et-
 iam asserunt novā ARGVTIAM,
 quod plurali numero Propheta E-
 gressus vocet propter duplicem Chri-
 sti naturam, sed subest absurditas, qua
 neq; propriè neq; scitè conferret Pro-
 pheta naturam humanam Christi cum
 divina, quantum attinet ad æternita-
 tem. *Hæc Calvinus. Vnde, satis elucet,*
quàm sit Christianis interpretibus ini-
quus, quàm petulanter illos vellicare
& eorum etiam pias appositasq; sen-
tentias pro censoria sua severitate re-
prehendere gestiat. Quanquam verò
nequaquam inficior, Calvinum post-
hec quædam de Deitate Christi atte-

Egregia
 ratio: quia
 hoc nun-
 quam ex-
 torqueb-
 tur a Iu-
 deis: Er-
 go inter-
 pretandū
 aliter. Ne
 Aposto-
 quidem
 potuerūt
 ab ipsis
 extorque-
 re ut
 scripturis
 crederēt.
 Ergò ne
 ad illum
 sensum
 scriptura-
 rum erat
 confugi-
 endum?

xere : attamen ubi nervus initio praeciditur, & de aeterna essentia sermonem à Propheta institui contra tenorem atq; sonum verborum negatur, quid firmitatis ad redarguendos Iudaeos superesse potest?

τῆς αἰνίας

op. Esa. 6.

Vnum adhuc circa veteris testamenti dicta proferam specimen. Quando beati Seraphin Esaia 6. acclamant in Prophetica visione Domino : sanctus sanctus, sanctus, Dominus Deus exercituum : credidit haecenus Ecclesia, & rectè quidem credidit, terna hac iteratione essentialis Epitheti D E I (sanctus) sine omni dubitatione indicari mysterium Trinitatis. Calvinus verò ut videri vult, eam Ecclesiae expositionem non magnoperè improbare, ita nunc illam ferè admittit, mox improbat ut infirmam, tandem velut ad calamum dictat infidelibus, quid Christianis τῆς αἰνίας illud obijcientibus obmurmurare possint. Veteres, inquit, hoc testimonio usi sunt, cum vellent adversus Arianos tres Personas in

ina D E I effentia probare, Quorum
 ego sententiam non reiſcio. Quam
 quam ſi M I H I res cum hæreticis ef-
 ſet, malleſſem firmioribus testimonijs uti.
 Nam redduntur pervicaciores, & ſe-
 cum ipſi plaudunt, cum minus aper-
 tis testimonijs oppugnantur: ut hoc
 loco facile ipſis ac promptum eſſet
 accipere, ternario numero perfecti-
 onem notari, ut in alijs ſcripturæ lo-
 cis. Quamvis ergò non dubitem, De-
 um unum in tribus personis hîc deſi-
 gnari ab Angelis (nec certè laudari
 poteſt Deus, quin ſimul & patris &
 filij & Spiritus S. laudes celebrentur)
 tamen apertioribus locis potiùs uten-
 dum exiſtimo, ne probando fidei no-
 ſtræ capite, hæreticis ridiculi ſimus.
 Et certe hac repetitione P O T I V S
 indefeſſa aſſiduïtas notatur, ac ſi di-
 xiſſet Propheta; Nullum Augeli-
 cæ melodiæ finem eſſe in canendis Dei
 laudibus: ſicuti inexhauſtam earum
 materiã nobis ſuppeditat eius ſan-
 ctitas,

Si non du-
 bitas, cur i-
 gitur eos,
 qui hoc testi-
 monio utun-
 tur aduerſus
 Arianos, re-
 prehendis
 & cur ipſe
 pauò poſt
 aliam ſen-
 tentiam re-
 pōnis, ſub
 qua etiam
 Ariani late
 re poſſint;

An verò hoc non est veterum senilem & venerandam caniciem vellicare petulantius? an non est instruere Arianos, quomodo eludere possint τριάρχιον angelorum adoranda Trinitati sacrum? Vtrum credibilius est, velle angelos trina hac appellatione tres notare Deitatis personas, ut ex interpretatione novi Testamenti docent veteres: an verò ut Calvinus auguratur, POTIVS inde fessam notare angelicæ melodix assiduitatem? At Iudei ipsi, licet obstinatissimi hostes articuli huius, inficias ire nequeunt, Rabinos suos esse fassos, patrem, filium, & spiritum sanctum celebrari cantione beatorum spirituum. Cum enim ex regno Neapolitano eijcerentur Iudei, in Thargum à Ienatha Vzielis filio sic hymnus iste versus fuit: Sanctus pater, sanctus filius, sanctus Spiritus sanctus. Et à Rabbi Simeone hoc modo: Sanctus hic pater, sanctus hic filius, sanctus hic Spiritus sanctus. Cum ergo Iudeorum Rabbini hoc agnoscant quid nobis Christianis opus, in re

Vide Perum Galatinum.

plana lucidaq; tergiversari & in nodo
scirpum querere? Præsertim cum A-
postoli ipsi hymnum angelicum istum
de distinctis personis æterna Deitatis
explicent. Patris ibi cani maiestatem,
ne Ariani quidem negauerint. Filij
decantari gloriam, testis omni exce-
ptione superior est Iohannes Euange-
lista, qui in illa Prophetica visione
gloriam Christi ab Esaia conspectam
confert. Iohan. 12. Spiritus sancti lau-
des eodem cantico celebrari, Divus A-
postolus Paulus Act. 28. luculenter as-
serit, cum Iehouam illum, qui ab an-
gelis isthic adoratur, & Esaie loqui-
tur, Spiritum sanctum fuisse palam
asseuerat. Quoniam igitur veterum
sententia in trisagij illius explicatio-
ne tantorum Apostolorum autori-
tate nititur: cur non uterentur eo ad
evincendos Arianos, quos constat au-
toritatem librorum Novi Testamenti
non reijcere, ut aliàs Iudæi faciunt.
Ad hæc non ignotum erat Calvino, ve-
res scriptores huic uni testimonio,
(quan-

quantumuis ex causis iam dictis firmo satis, & invicto) non ita insistere, quin ad procacitatem Arianorum validius retinendam pluribus in medium adductis testimonijs adversum illos depugnent. Vnde manifestò patet, quàm sit inanis Calvinì metus, ne probando fidei nostræ capite hæreticis ridiculi simus, & quàm ipse potius sese ineptijs istis deridendū alijs propinet. Venio nūc ad dicta noui Testamenti; in quibus sese offert insigne & commemorabile illud Iohan. 10 Ego & Pater unum sumus. Dixerat in precedentibus Saluator, neminem posse oves suas è sua rapere manu: Addiderat; neminem illas etiam ex Patris manu posse rapere; hoc ipso parem sibi patriq; suo potestatem, adeoq; unam manum potentiamq; attribuens. His immediatè subiicit: Ego & Pater unum sumus, affirmati illius sui rationem ab essentiæ unitate demonstrans. Quia enim Pater & Filius sint unum: ideoq; etiam potentiam illorum in custodiendis æternum

Locus
Iohan. 10.

ternum suis ovibus esse ἀδελφούς u.
nam. Plana sunt hæc, & quidem a deo
plana & dilucida, ut etiam Iudæi licet
aliàs prodigiosè cæci, videant, Chri-
stum adscribere sibi laudem æternæ
Deitatis & unitatem Essentiae cum Pa-
tre. Ideoq; lapidare illum conantur, &
rogati, cur hoc faciant, respondent:
Ob bonum opus non lapidamus te, sed
ob blasphemiam, & quia tu, homo cum
sis, facis te ipsum D E V M. Iam Chri-
stus in responso suo non negat se Dei-
tatem suam asseruisse, dicendo: Ego
& Pater unum sumus: sed potius hanc
dicti sui sententiam clarissimè tuetur,
& prolatis rationibus confirmat, in-
quiens: Nonne scriptum est in lege ves-
stra, Ego dixi: Dī estis? Si illos dixit
Deos, ad quos sermo Dei factus est, &
non potest solvi scriptura: quem Pater
sanctificavit & misit in mundum,
vos dicitis me blasphemare, quia
dixerim, F I L I V S D E I S V M? Vbi
collatio dictorum euidenter arguit,
Christum id, quod prius dixerat (Ego
& Pa-

& Pater unum sumus) nunc per phrasin æquipollentem exponere. Filius Dei sum: hoc ipso unitatem illam, de qua differuerat, de essentia Deitatis unitate nobis enarrans. Pergit verò hoc thema stabilire ab operibus Deitati proprijs: Si non facio opera Patris mei, nolite credere mihi (scilicet quòd cum Patre sim unum) sin verò facio, etsi mihi non credatis, operibus credite, ut agnoscatis & credatis, quòd Ego IN Patre sum, & Pater IN me est. Hic non solum argumentum, quo Christus usus est, ad hunc scopum dirigitur, ut se verum Deum, Dei Filium, & cum Patre unum esse comprobet: sed etiam commutata phrasi plenissimè docet Christus, sibi de unitate Essentiae sermonem esse: Quòd enim prius dixerat: Ego & Pater unum sumus: id iam phrasi tantundem valente amplius explanat: Ego in Patre sum & Pater in me. Est verò Pater in Filio, & Filius in Patre, non aliter quàm per inseparabilem essentia identitatem Hæc
Sole

le ipso sunt illustriora, tot argumētis
 modo cumulatè propositis, & ex ipso
 extu deductis irrefutabiliter ostensa.
 Etq; in affirmato isto Filij Dei reposi-
 tum præsidium aduersus Arianos in-
 dictum & inexpugnabile. Quod agno-
 runt orthodoxi Patres incertami-
 bus aduersum Arianos: Idemq; ve-
 ri Christi Ecclesia hodiè fatetur &
 nonoscit absq; controuersia.

Caluinus autem illustrem hanc
 Christi sententiam glossæ verè Ariane
 ra caligine maluit obfuscare, &
 unitrinitariorum expositionem, de
 unitate non essentia, sed consensus, suo
 culculo comprobare, quàm ut expositæ
 meridie veritati suffragium suum
 commodaret. Hec namq; sunt ipsius
 verba propria super istud dictum Chri. Depra-
 uo: Ego & Pater unum sumus: AB-vatio
 Si sunt, inquit, hoc loco veteres, vt verbo-
 robarent, Christum esse Patri ὁμοῦ- rum
 op. NEQVE enim Christus de Christ
 unitate substantiæ disputat, sed de verè
 CONSENSV, quem cum Patre Arriana:
 habet.

habet: quicquid scilicet geritur à Christo, Patris virtute confirmatum iri.

Hanc glossam, qua lucidissimi testimonij splendorem ceu piceo obiecto fumo Calvinus obrubilare studet, alicui verè esse Arianam, à mente Christi peregrinam, à textu multis modis & rationibus, ut iam ostensum est, dissentaneam; ab Ecclesie Catholico consensu planè dissonam, & à Diabolo in fraudem fidei Christianorum excogitatam: quam τὰς ἀμφοῖν excipiunt, amplexantur, & exosculantur Franciscus Davidis, Blandrata; ceteriq; iuratis- simi perfidissimiq; hostes adoranda Trinitatis. Tu, Paræe, excute vires ingenij tui, & dispice, ecquid ad sceleratam hanc corruptelam saluandam, vel in speciem saltem, proferri posse existimes. Ego, dum tu de his deliberas, ad alia progredior.

Quoties in Evangelio repetit Dominus: Ego sum in Patre, & Pater in me: toties illum Deitati suæ perhibere testimonium censet purior Ecclesie ve-

tustas

Locus
Ioan. 10.
& 14.

ustas, unâ cum nostræ ætatis ortho-
 doxis Scriptoribus. Sic cum ait ad Ju-
 daeos: si non facio opera Patris mei, no-
 lite credere mihi. Sin verò facio, etsi
 mihi non credatis, operibus credite, ut
 cognoscatis & credatis, quòd ego in
 Patre sum & Pater in me est: demon-
 stratum ex textu est, probare ipsum
 velle, quòd sit cum Patre unum, quòd
 Deus, quòd Filius Dei: quia faciat o-
 pera Patris, & in ijs perficiendis ipse
 quoq; concurrat, ideoq; eadem essentia-
 li virtute operum illorum editrice sit
 præditus. Ita cum ait ad Philippum
 & discipulos reliquos: Philippe, qui vi-
 det me, videt & Patrem meum: &
 quomodo tu dicis: ostende nobis Pa-
 trem? non credis, quòd ego in Patre
 sum, & Pater in me? Verba quæ ego
 loquor vobis, à meipso non loquor. Pa-
 ter autem in me manens, ipse facit
 opera. Credite mihi, quòd ego IN PA-
 tre sum, & Pater in me est, alioqui
 propter ipsa facta credite mihi: Valor
 ipse sermonis edocet, essentialem no-

*tari unitatem Patris & Filij. Non enim
 aliter in Patre Filius & in Filio Pa-
 ter, nisi per indivisæ essentie κοινωνίαν,
 gratia cuius Pater in Filio manet per-
 petuò, & Filius in ipso sinu Essentie
 Patris immutabiliter in omni eterni-
 tate permanet. Atque hoc sancti Pa-
 tres aduersus flagitiosam haresin A-
 rianorum monuerunt diligenter, & in
 scriptis suis identidem inculcarunt.
 Sed Calvinus Ecclesie Iesu Christi ca-
 tholicæ expositioni nuncium remit-
 tens, hæc ad illa verba Christi Redem-
 ptoris annotat: Idem repetit, quod
 supra alijs verbis dixerat, ego & Pa-
 ter unum sumus. Huc tendunt o-
 mnia, quòd in sua administratione ni-
 hil à Patre diuersum habeat: Pater, in-
 quit, in me est, hoc est, diuina virtus
 se in me profert. Et ego sum in Pa-
 tre, hoc est, nihil ago, nisi auspicijs
 Dei, ita ut mutua sit inter me & Pa-
 trem coniunctio. NEQVE
 ENIM HIC DE ESSEN-
 TIAE*

FIÆ VNITA TE sermo habetur, sed de manifestatione potentiae in Christi persona. Vnde constabat, diuinitus missum esse.

Idem Calvinus in caput 14. Io- Locus
Ioh. 14.
han. super verba Christi; quòd ego in
Patre &c. scribit; hæc verba NON
ad divinam Christi essentiam refert,
sed ad modum revelationis.

Nos ex aduerso demonstravimus,
hunc fuisse Christo scopum præfixum,
ut suam Deitatem probaret Philippo,
neque in æternum aliò poterit trans-
ferri reciproca ista mutua personarum
in se invicem immanentie enuncia-
tio, quàm ad essentiam. In Patre enim
est Filius, non per modum revelatio-
nis, sed per essentiam. In Filio est pa-
ter, non per modum revelationis, sed
per essentiam.

Pertexamus autem telam inchoa- Locus
Ioan. 1.
tam. Ioan. 17. Christus in sua ad
Patrem oratione precatur, ut unum
D 2 sint

sint discipuli, sicut (inquit) & nos u-
num sumus. Et mox: ut omnes unum
sint, sicut tu Pater in me, & ego in te
Quæ non abs re Scriptores Ecclesiastic.
testimonium esse dicunt essentialis u-
nitatis Patris & Filij. Siquidem non
sunt per accidens unum (quia non ca-
dit in Deum accidens) ut nec secun-
dum hypostasim (hypostasis enim dif-
ferunt pater & filius) Itaque per es-
sentiam illos unum esse ἀποδεικνύ-
evincitur. Calvinus e contra tenen-
dum monet, QVOTIES unum
se cum Patre esse in hoc capite pro-
nunciat Christus, sermonem haberi
non simpliciter de diuina eius essen-
tia: sed unum vocari in Persona Me-
diatoris, & quatenus caput nostrum
est. Sic quidem (ait Calvinus) præci-
se multi ex Patribus interpretati sunt,
Christum unum esse cum Patre, quia
æternus sit DEVS. Sed huc eos ab-
ripuit contentio cum Arianis, ut con-
cisas sententiâs IN ALIENVM
SENSVM TORQUERENT.

Quid

Quid verò hoc verbi est, Christum
& Patrem vocari unum in persona
Mediatoris? Item Christum esse cum
Patre unum, quatenus est caput no-
strum? Quàm contorta & planè vio-
lenta hæc est implicatio verius quàm
explicatio? Itaq; quod in Patribus iste
rigidus Aristarchus reprehendit, tor-
quere illos verba Christi, hoc in Cen-
sorem ipsum veracissimè quadrat. In-
terim palmam fert expositio veterum
de unitate nature & essentie. Nec
tantillum aduersatur eis vocula, SI-
CVT; cum ait Dominus : ut sint u-
num, SICVT ego & tu unum sumus.
Neg, enim quia discipulorum acciden-
taria quædam unitas est in consensu
animorum consistens, ideo & Patris
filiq; unitas illa, cuius meminit oratio
Christi, accidentaria esse putanda est.
Sed collatio hæc æstimanda est ex a-
nalogia, quæ est inter DEV M arche-
typum, & nos, ad similitudinem eius
effigiatos : ita quidem, ut quod in no-
bis accidentale est, sit in Deo essen-
tiale.

Matth. 5. *iale: eodem planè sensu, quo particu-*
 Luc. 6. *la(SICVT) usurpatur in his quoque:*
 Ioan. 13. *Estote perfecti, SICVT & Pater ves-*
 Ioan. 17. *ter perfectus est. Estote misericordes,*
 1. Ioan. 1. *SICVT & Pater vester misericors*
 1. Ioh. 3. *est. Diligite vos mutuò, SICVT ego*
dilexi vos, Dilexisti eos, SICVT &
me dilexisti. Ambulemus in luce, SI-
CVT & ipse in luce est. Omnis qui ha-
bet hanc spem, purificat se, SICVT
& ipse purus est. Qui exercet iustitiam,
iustus est, SICVT & ille iustus est.
Quemadmodum igitur in his non
aqualitas perfectionis ostenditur, sed
hec duntaxat prototypi & imaginis
convenientia designatur, ut quæ in
Deo, in quem nullum cadit accidens,
substantialia sunt, nobis κατὰ συµβε-
βηκός, attribuantur: Sic idem ad un-
guem habendum ac indicandum est
de sermone Christi, cum orat & opiat,
Apostolos esse unum, sicut ipse & pater
unum sint.

Locus. *Sed neque luculentum illud Iohan-*
 1. Ioh. 5. *niste testimonium vel intactum vel in-*
corru-

corruptum nobis relinquere voluit Calvinus, quando scribit Evangelista
 Epist. 5: Tres sunt in cælo, Pater,
 Verbum, & Spiritus sanctus, & hi tres
 unum sunt. Id namq. depravat Calvinus
 Ariano hoc glossemate: Quod dicit
 tres esse unum, ad essentiam non
 refertur, sed ad consensum potius. Ac
 si diceret, Patrem, & æternum Sermo-
 nem eius, ac Spiritum, symphonia
 quadam Christum pariter approbare.
 Itaq. nonnulli codices habent, *εἰς ἓν*.
 Verum etsi legis, *ἐν ἑοίῃ*, ut est in as-
 ijs exemplaribus: non tamen dubi-
 um est, quin Pater, Sermo & Spiritus
 EODEM SENSU dicantur V-
 NVM esse, quo postea sanguis, aqua,
 & Spiritus.

Primò quod de codicibus affert, apparet, cupere ipsum, si liceret ullo aliquo pretextu, codices corruptos præferre integris, tantum ut facilius instituto suo potiri, & ex Evangelistæ dicto, consensus, non essentia unitatem obtinere posset. Deinde quis feret

interpretem, absurdè adeò ex voto Arianorum pronunciantem, Patrem, Verbum & Spiritum sanctum eodem sensu dici à Iohanne unum, quo postea sanguis, aqua & spiritus: Etenim substantie personarum unitatem exprimere Iohannem voluisse, cùm perpetuus eius in illustrando hoc mysterio conatus atq; scopus indicat, tùm apud Orthodoxos extra disceparationis aleam omnem est positum. Quam essentialem unitatem fundamenti loco stermit, ut ei convenientiam testimonij, quod Christo perhibent Trinitatis persone, superstruat. Imitatur enim consensus ille naturam sui principij, quod est indivisa communio tantum quæ & voluntatis, quam communionem essentialem esse constat, qualem vel essentie vel voluntatis τὸ αὐτὸ τὴν αὐτὴν vel consensus rationem eandem quæ in personis Deitatis est, velle de Spiritu, aqua & sanguine comminisci valdè est ἀτοπον

Quis ergò non videat, Diabolus
pe

per acutum hoc suum instrumentum
 data opera tales procudere voluisse
 Trophas elusorias, quibus Antitrinitas-
 rij propugnacula Christianorum non
 solum hostiliter attentare, sed etiam
 diruere valeant, quàm primum ali-
 quis in Ecclesia locus nefarijs hisce cor-
 ruptelis & deprauationibus Caluini
 concessus fuerit. Ita fiet, ut si per-
 contentur Ariani, ubinam ullum in
 scripturis dictum reperiatur, quo Tri-
 nitatis persone dicantur V N V M uni-
 tate videlicet κατ' οὐσίαν intellecta-
 iam nobis uniuersa testimonia per ale-
 atoriā illam quiduis eludendi ver-
 sutiam è manibus excutiantur. Ete-
 nim si Arianis obiecerimus illud Io-
 han. 10. Ego & Pater unum sumus: re-
 spondebunt ex paraphrasi Caluini, de
 consensu, non de essentia loqui Chri-
 stum. Sin illud, quo Pater in Filio, & Fi-
 lius in Patre esse dicitur, obstrepent
 ex Caluini commentario, de modo
 revelationis, non de essentia esse in-
 telligendum. Sin hoc ex precatōne

Christi Iohan. 17. Ego & tu Pater unum sumus, tu in me, & ego in te: de nunc ex Calvinī dictatis obmurmurabunt, unum dici Patrem & Filium in persona mediatoris, & quatenus Christus est caput nostrum. Si de his praesidijs ista proditoria fraude deiectioni ad ultimum illud, 1. Iohan. 5. nos receperimus: iterum Calvino voce & scripto praeeunte clamabunt Antitrinitarii, ad essentiam id non pertinere, sed ad consensum potius, & patrem, Verbum ac Spiritum sanctum eodem sensu dici unum; quo sanguis, aqua & spiritus. Quid mirum igitur, si procax ista libido pervertendi scripturas hac tandem infauusta planeq; tragica terminetur catastrophe, ut uno post alterum testimonio sic eluso, & argumento uno post alterum in cordibus hominum concusso atq; diruto, longissima latissimaq; via sternatur, ad Arianam haeresin plenis catarractis atque imbribus in orbem terrarum effundendam & ingurgitandam? Quod infestissimus eventus in locis,

ocis, civitatibus, regionibus atque re-
nis Pareo non ignotis, haud absq̃ tri-
fissimo naufragio innumerabilium
nimarum annis ultimis hisce nimis
videnter comprobavit.

Non prættereundus est locus Apo- Locus
li Coloss. 1. quando sempiternam Col. 1.
domini Iesu Christi Deitatem & cum
atre ὁμοῶς αὐτῷ commendaturus, scri-
it, illum esse imaginem Dei inconspi-
ui Et hunc sibi scopum habere Pau-
um isthic propositum, ut Christum ve-
um Deum esse convincat, colligitur
x immediatè connexis. Ita namq̃ co-
aret eius oratio: Qui est imago Dei
nconspicui, primogenitus universæ
reatura, quòd per illum creata sint o-
nnia, quæ in cælis sunt, & quæ in ter-
a, visibilia & invisibilia, sive throni,
ive dominationes, sive principatus,
ive potestates &c. Totus in hoc est
Paulus, ut Deitatem æternam Salva-
oris illustret. Vnde nemini Christia-
no dubium esse potest, quin & hoc elo-
gium eò referatur, cum illum nominat
ima.

imaginem Dei inuisibilis. Planè ut & autor Epistolæ ad Hebr. 1. Deitatem Christi equipollentibus expressit, ita scribens: per quem (Christum) & secula fecit, qui est splendor gloria & expressa imago substantiæ illius. Hæc qui clarissima esse negat, negat Solem lucere in meridie. Ideoq; & veteres absq; dubitatione huc contulerunt Epistolæ ad Colossenses verba (qui est imago Dei inuisibilis) ut Deitatem aduersus Arianos hinc astruerent. Sed quia Caluino, tanto Theologo, sapit nil, cuius non ipse sit inventor & autor, intermittere non potuit, quin & hic sentilem barbam priscorum Patrum vellicaret. Scio, inquit, qualiter veteres exponere soleant. Quia enim certamen habebāt cum Arrianis, equalitatem Filiij Dei cum Patre & ~~omnino~~ ^{omnino} urgent; interea tacent, quod est præcipuum, quomodo Pater in Christo se nobis cognoscendum exhibeat. Quod in vocabulo imaginis totum suum præsidium constituit Chrysostomus,

nus, dum contendit, creaturam non posse dici creatoris imaginem: nimis infirmum est. Imò à Paulo refellitur, cuius verba sunt, Vir est imago & gloria DEI. Ne quid ergo habeamus nisi solidum; notandum est, nomen imaginis NON PRÆDICARI DE ESSENTIA, sed habere ad nos relationē. Ideo enim imago Dei Christus, quia Deum quodam modo nobis facit visibilem, quanquam inde etiam colligitur ὁμοῖα.

Scilicet, quod Calvinus solidum esse imperat, id pro adamantino sine contradictione habendum est. Quod ut infirmum extenuat, id pro tali simpliciter agnoscendum, si etiam cælorum angeli reclament. Esse expositionem Divi Chrysostomi invictam, modo rationibus ostensis expeditum dedimus. Et nolit velit, cogitur Calvinus agnoscere Pauli scopum in immediate coherentibus. Cur igitur in ijs, quæ ab his indiviso contextu dependent, tam est veteribus iniquus, tamq̃ rigidus

duſ & implicabilis Cenſor. Fallitur autem magnificè, quando heterogenea admiscens, de viro, qui & ipſe dicatur imago Dei, auguratur labefactari axiomata Chryſoſtomi, creaturam non poſſe dici Creatoris imaginem, & quaſi re præclarè geſta ſubdit: Ne quid ergò habeamus, niſi ſolidum, notandum eſt, nomen imaginis non prædicari de eſſentia, ſed habere ad nos relationem. At verò affirmatum Chryſoſtomi limitatum ex ſententia Apoſtoli, perſtat inconcuſſum, videlicet nullam creaturam poſſe dici Creatoris imaginem eſſentialem, ſeu, ut ad Hebræos explicatur, imaginem SUBSTANTIAE ipſius Heb. 1. Faſſiſſimum econtra Dictatoris noſtri pronunciatum, vocabulum imaginis non prædicari de eſſentia. Equidem ſi quando de nobis prædicatur, haud inuitus largiar, non eſſentiam ſed quandam noſtri cum Deo ſimilitudinem exprimi. Secus res habet, cum ὁ λόγος imago DEI dicitur. Ibi enim talis de
ſcri

Scriptio vel adijcitur vel subintelligi-
 tur, quæ nos ad ipsius essentia cum Deo
 patre communionem spectandam de-
 ducit. Qui enim negat, imaginem
 SUBSTANTIAE patris de Christo
 predicari secundum essentiam: ne is
 fustibus emendandus potius, quàm ar-
 gumentis refellendus fuerit. Christus
 ergo hac iam dicta limitatione appel-
 latus imago Dei inconspicui, è creatu-
 rarum omnium vulgo segregatur, &
 Deo Patri ὁμοῶς ἐστιν esse palam asseri-
 tur. Certè si hoc genus argumentationis
 dominari debeat, quo Calvinus uti-
 tur: tum neque ex nomine Filij DEI
 ὁμοῦς ἐστιν sumi poterit divina Christi
 naturæ: siquidem etiam creaturæ, ut
 angeli & beati homines dicuntur filij
 Dei, idq; non minus, atque vir imago
 Dei nuncupatur. Quemadmodum ve-
 rò ex nomine filij Dei secundum scri-
 pturas determinato procedit argu-
 mentum de Deitate Christi: sic etiam
 ex nomine imaginis Dei pari ratione
 determinato, recto pede procedit Di-
 vi

vi Chrysostomi aliorumq; Patrum ἀπὸ
ἀεῖς

Et hæc quidem de primo genere
corruptelarum, quibus conspurcavit
dicta Scriptura de DEO, Trinitate, di-
vina natura Christi & Spiritus san-
cti.

CAPVT POSTE- RIVS.

ACCedo ad Oracula, vaticinia &
promissiones scripturae Mosaicae
& Propheticae, quibus, impulsæ Spiritu
sancto de Messia locuti sunt sancti Dei
homines: idq; non tantum sub Leuiti-
carum Ceremoniarum typis & figuris
implicitè, sed etiam perspicuis promissio-
nibus & prædictionibus sine figura-
rum involucris, explicitè.

Videamus initio, quomodo vati-

I. **Vaticini-
um n. de
Semine
Mulieris** cinia de Natiuitate & adventu Mes-
sie à Caluino tractata sint. Promissio
Evangelij omnium prima est, quam
Dei Filius in Paradiso sua ipse voce
promulgavit inquit: inimicitias
ponans

onam inter te (serpentem antiquum)
 & mulierem : & semen tuum & se-
 men illius: ipsum conteret caput tuum,
 & tu mordebis calcaneum eius. Hanc
 promissionem fusissimè deinde expo-
 uerunt Prophetae, donec in plenitudi-
 ne temporis ipso rei eventu completa
 & obsignata est. Et ratam habuit o-
 mnium seculorum & statum Ecclesia
 hac interpretationem, quòd semen
 mulieris, seu promissus mundi Salva-
 tor & Messias evacuaturus sit impe-
 rium Diaboli, serpentis antiqui, ut il-
 lum Scriptura propter historiam seduc-
 tionis primorum parentum nominat
 Apoc. 12, Ex aduerso Diabolum mor-
 surum esse Christi calcaneum, quo san-
 cta eius humanitas indicatur, idq;
 tempore crucis & passionis eius adim-
 pletum esse res ipsa declaravit.

Hoc Evangelio se sustentarunt
 primi parentes, eorumq; p̃j ac fideles
 posterì, & fide in dulcissimam istam
 promissionem recumbentes saluati
 sunt. Et certè nisi verbis illis conceda-

E mus

mus Diabolo vastitatem regni, nobis
verò gratam ex ipsius tyrannide libe-
rationem indici; ad hunc absurdita-
tis scopulum impingemus, ut Adamo
quidem, & Evæ, tum serpenti natu-
rali, suam cuiq; pœnam à Domino de-
nunciatam esse Moses referat: Satana
verò totius illius funestissimæ seduc-
tionis architecto nullam in hoc iudi-
ciario actum putemus esse pœnam infli-
ctam. Et si sermone Dominico illo Ev-
angelica promissio de venturo Messia
proposita non est, sequetur amplius
nec protoplastos, nec primævi mundi
Patres ullum habuisse manifestatum
Evangelium; quod quàm sit absonum
quisque Christianus, me etiam no-
monente, intelligit. Meritò igitur pu-
rum & ab omnibus corruptelis prob-
castigatum retinendum est hoc Ev-
angelium primum, ex quo tot tamq;
præclaras conciones Spiritus sanctus
insequentibus seculis extruxit. Con-
sideremus autem, quomodo promissio-
nem hanc tractet Calvinus, & quæ
sensi

sensu eam excipiat. Is enarrans istum nus in 3.
locum scribit: SIMPLICITER ca. Gen.

interpretor, hostile semper fore dissidium humano generi cum serpentibus, quale hodie cernitur. Est enim arcano naturæ sensu, ut ab ipsis abhorreat homo. Quod quibusdam sunt in delicijs, inter prodigia reputandum est: ac quoties nobis horrorem incutit serpentum aspectus, renovatur defectionis nostræ memoria. Vno etiam tenore contexto, quod mox sequitur: Ipsum vulnerabit caput tuum, & tu vulnerabis eius calcaneum. Tale enim odium fore denunciat, ut sibi ultrò citroq; molesti sint: serpentem hominibus infestum fore, & homines vicissim perdendis serpentibus fore intentos.

Iam super verba: Ipsum conteret caput tuum, ita pergit isdaïzer Calvini-
nus: Locus hic nimis luculento documento est, quanta fuerit in Papatu Doctorum omnium & inscitia, & foecordia, & incuria. Obrepfit scemini-

num genus loco masculini vel neutri. Qui Hebraicos vel Græcos codices consuleret, nemo inter eos fuit, vel qui saltem latina inter se exemplaria conferret. Communi igitur errore vitiosissima lectio recepta fuit. Deinde inventa est sacrilega expositio, dum sanctæ Christi matri aptârunt, quod de semine dictum erat. In verbis quidē Mosis nulla est ambiguitas: de sensu verò MIHI non convenit cum alijs. Nam semen pro Christo sine controversia accipiunt; ac si dictum foret, exoriturum ex mulieris semine aliquem, qui serpentis caput vulneraret. Eorum sententiam libenter meo suffragio approbarem, nisi quod verbum Seminis nimis VIOLENTER ab illis TORQUEREM video. Quis enim concedet, nomen collectivum de uno tantum homine accipi? *Observa, Calvinum Protevangelion illud interpretari de naturali serpente, & odio illo, quo homines & serpentes sibi mutuò sunt infestissimi.*

*ſi. Quanta iam, obſecro, rima Iudæis
aperta eſt elabendi, ſi largiaris, per
ſerpentem eiusq; ſemen ſerpentes na-
turales, per ſemen mulieris poſteros o-
mnes, per inimicitias naturale illud
odium notari? Iam certè nulla ratione
comprehendi ſe patientur, ut de Meſ-
ſia quicquam hîc haberi concedant, ſed
in ſententia ſemel à Calvino conceſſa
unicè volent acquieſcere. Obſerva &
hoc; quàm audaciter pugnet Calvinus,
ſemen, quia ſit nomen collectivum, de
uno homine non accipi, ideoq; ſibi non
convenire cum his, qui ſemen pro
Chriſto ſine controverſia accipiunt.
Attende, Apoſtolicæ Paule. Inventus poſt
tot ſecula eſt in medio Chriſtianæ Ec-
cleſiæ cœtu, qui tue expoſitioni, qua
collectivum nomen Seminis de unico
homine Ieſu Chriſto diſertiſſimè ex-
ponis, abſurditatis notam impingat.
Tu enim ita ex Spiritu ſancto ſcribis:
Porro Abrahæ dictæ ſunt promiſſiones
& ſemini eius. Non dicit, & ſemini-
bus, tanquam de MULTIS, ſed tan-*

quam de VNO, & in SEMINE tuo,
 QUI EST CHRISTVS. Calvinus
 autem sub ferulam suam te tuamq. p-
 am interpretationem revocans scri-
 bit; eos, qui semen pro Christo sine
 controversia accipiunt, verbum semis-
 nis torquere violenter. Quis enim con-
 cedit, inquit, nomen collectivum de u-
 no tantum homine accipi?

Deniq. postquam fundamentum
 Evangelicæ promissionis illius evertit,
 simplici nimirum sensu verborum, lon-
 gè aliò, quàm ad Christi beneficium,
 relato, ipsiusq. Pauli declaratione su-
 perbißimè reiecta: videt quisq. latez-
 rem lavare Calvinum, quando sic he-
 betatum locum illum, post demum
 sensu anagogico quodam & quasi
 τὰ ἀγέγραφα in Christum confert. Quan-
 quam ne hîc quidem potest à strophis
 abstinere, quin quod uni Christo tex-
 tus Mosaicus attribuit, ipse ad totam
 Ecclesiam referat. Etsi verò Fructus
 divini huius operis, quo Diaboli caput
 quassatum & comminutum est, ad nos
 perti.

pertinet, tamen opus ipsum conterendi caput Diaboli, nunquam evincet Calvinus nobis competere. Est enim solius Filij Dei opus, conterere caput serpentis, ut qui, Iohanne teste & interprete, ideo apparuit, ut dissolveret opera Diaboli 1. Iohan. 3 Quod si volet morosius τὸν δῆσιν φυλάτῃ, Sata-næ conterendi virtutem diffundi in homines fideles, ut ipse ex depravato Pauli loco Rom. 16. contendit (qui non hominibus sed Domino hanc virtutem adscribit) cur ergo sacrilegam expositionem nominat, aptantem Sanctæ Christi matri, quod de semine dictum fuerat: cum ipsemet contendat, sub semine totam comprehendendi Ecclesiam, & per consequens, etiam Mariam matrem Domini, ut Ecclesiæ membrum apprimè nobile?

Porro quia tantopere displicet Calvinò, si Collectivum verbum Seminis, uni Christo aptetur: nonne eadem corruptelâ, qua nobis locum Genesios tertio depravavit, corrumpet
 II. Promissio de semine Abrahamæ benedictio.

simul omnes illas promissiones, quibus respondet DEVS, in semine Abraham benedicendas esse omnes gentes terras. Sic enim neque hic collectivum nomen uni Christo accommodari ex opinione Calvinipotest. Et certè hoc velle videtur Calvinus, quando super tertium caput Epistolæ ad Galatas ad eam promissionem ibidem ex Mose repetitam annotat: Paulus Non SINGULARI NUMERO nititur, ut de VNO homine dictum hoc fuisse probet.

Miror hominis proiectam confidentiam, quod ausus est scribere, Paulum, allegantem promissionem de semine, non niti singulari numero, cum tamen singularem numerum evidenter urgeat, pluralem rejiciat, & apertissime tradat, Dominum in ea promissione non dicere: & SEMINIBVS, tanquam de MULTIS, sed tanquam de VNO, & in SEMINE tuo, qui est Christus. Vbi ergo frons Calvini, negantis id, quod affirmat Paulus,

Paulus, & affirmantis id, cui Paulus plenis tibijs reclamation?

Porro ad vaticinia natiuitatis Messie pertinet etiam illud Ieremie cap. 31. Novum creabit Dominus super terram, fœmina circumdabit virum : quemadmodum ipso fatente Calvino, Scriptores Ecclesie unanimiter hac Natiuitati Christi accommo-

dant. Quàm verò hoc est magno illi Theologo Theologorum omnium ridiculum? quàm id scopitice exagitat & Iudeorum risui exponit? Referamus huc verba commentarij eius: Christiani, inquit, ferè uno consensu hoc interpretati sunt de Maria virgine : & movit eos nomen Miraculi: deinde fortè nimis cupidè arripuerunt, quæ visa sunt facere admysterium salutis nostræ. Dicunt igitur hanc esse rem novam, de qua loquitur Propheta, quòd virgo gestaverit utero suo Christum infantem, sed simul virum, quia scilicet plenus fuit divina fortitudine, quamvis secundum carnem cre-

III.
Vatici-
nium
Iere. 31

E 5

verit

verit & staturâ, & sapientia & virtute. **MERITO HOC RIDE-**
TVR à Iudæis. Rideat Calvinus,
quantum & quamdiu volet. Cerè sensus iste quàm aptissimè quadrat ad totius capitis $\pi\epsilon\gamma\iota\varsigma\alpha\sigma\iota\mu$. Vaticinatur Dominus de optato illo tempore, quo futurus sit propitius Deus totius Israelis, quo reducere velit populum suum, ut letantes & cum iubilo redeant in Zion: Quod iuxta pervulgatum morem Prophetarum de Spirituali reductione ad communionem Ecclesie Novi Testamenti est accipiendum. Quodq; de huiusmodi rebus loquatur, quæ sub adventum Christi futura essent, dilucidius eis indicat, addita notatione querimonia, Luctus & planctus Rachelis super filios suos: quod ad tragediam infanticidij & miserrime trucidationis puerorum Bethleemiticorum pertinere, Matthæus Evangelista perhibet. Post hæc consolatur Dominus populum suum, & consolationi inserit vaticinium de Nativitate Messiae testifi-

*stificans se novum quid creaturum
interra, nimirum ut fœmina. circun-
det virum, futurum esse tunc, ut Do-
minus inebriet animam lassam, & o-
mnem animam esurientem saturet:
imò ut Dominus feriat domus Israel.
& domui Iuda fœdus novum, sublato
veteri, ut eam pericopen vaticinijs E-
pistola ad Hebræos interpretatur, &
ad tēpus exhibiti Messie spectare pro-
nunciat. Compendio dicam, nihil ali-
ud habet caput illud: quàm res cum
adventu Christi eiusq; regno conne-
xas.*

*Quoniam autem Calvino hanc
pietatem Christianorum videre visum
est, dispiciamus, ecquam ipse profes-
sat ex transmarinæ suæ sapientiæ a-
dytis explicationem, filijs Dei hucusq;
incognitam. Textus habet: Novum
creabit Dominus super terram: fœmi-
na circundabit virum. Calvinus glossa
est hæc: Perinde est, ac si dixisset Pro-
pheta: Redigent fœminæ viros in
angustias, ita ut ipsos captivos tene-
ant.*

ant. Sed utitur singulari numero, quasi diceret: fœmina una præstabit multis viris, hoc est, singuli Iudæi præstabunt singulis Chaldæis: ita Iudæi superiores erunt, quamvis magnum & terribile sit robur hostium.

Vt Calvinus glossemati suo verisimilitudinis pallium induat, necesse erat initio singulare transformare in plurale, ut pro fœmina substituantur fœminæ, quæ viros in angustias redigant. Deinde ut nomen alterum quoque singularis numeri (Virum) in pluralem numerum abiret. Tertiò, ut fœminæ vox rursus de una explicaretur dicit enim: fœmina VNA præstabit multis viris. Quibus ita premisis, divinando nondum assequi vales, quæ tandem hinc sit emersura paraphrasis: attende iam, quid tanto dignum hiatu proferat ille Doctor magnus, cæterorum omnium Censor & Aristarchus. Per fœminas intellige Iudæos (habes unum) per viros intellige Chaldæos; En tibi alterum. Hac ita connecte

etc, quod Iudei, qui respectu Chaldaeorum profæminis haberi queant, sint ad angustias adacturi Chaldaeos. Et hoc est illud: fæmina circundebit virum.

Primum autem cuperem ex te, Paræe, discere, quis Calvino hanc licentiam dederit, per Metamorphosin, quæ penè Ovidianis illis superet, quidvis fingendi ex quolibet, & fæminam in fæminas, fæminas in Iudeos transformandi, & faciendi ex viro viros, nempe Chaldaeos?

*Deinde si sensum Calvinii spectes, qui est, Iudeos superiores fore Chaldeis; rursus edeceri cupio, an hoc sit quiddam novum in terra? an non antehac quoque Iudei parva sæpè manu innumerabiles copias potentissimorum hostium profligarunt? Iam verò Dominus rem novam cunctisq; seculis inauditam promittit populo suo: quam ut præter rerum seriem eventuram cognoscerent, $\epsilon\mu\phi\alpha\tau\iota\kappa\omega\tau\acute{\alpha}\tau\omega$ verbo CRE-
AND I uti voluit, mentes fidelium
in*

Christus
Vir pas-
sim ap-
pellatur
in vati-
cinijs
Prophe-
tarum .

*in expectationem novi miraculi et
gens, quo fœmina virgo supra natur
legem omnem in utero conceptura
ambitura, tandemq; in hanc luce
editura sit virum illum tot seculis ex-
pectatum, tot piorum omnium voti
gemitibus ac desiderijs expetitum: su
quo fœdus novum, è medio subla
veteri, sanciat. Adhuc Propheta I
remias data opera singulari nume
est usus, cum in designanda κατ' ἐξοχ
fœmina insigni illa DE I genitric
tum in demonstrando κατ' ἐξοχῶ vi
eximio illo Christo Domino, qui di
ne virtutis robore pollens arduum op
eterne nostræ redemptionis sit conf
cturus, quemadmodum passim Vir a
pellatur in Scripturis Esa. 53. Zac.
6. & 13, Actor. 2. & 17.*

*Trans'eo ad Haggæi Propheta v
I I I I. vicinium de adventu Messie amabi
Vaticini- & consolatione plenum, his compr
um Hag- hensum verbis: Adhuc modicum es
gæi 2. & ego commovebo cœlum & terram
& mare & aridam, & movebo omni
gen*

gentes. ET VENIET DESIDERATVS cunctis gentibus, & implebo domum istam gloria, dicit Dominus exercituum. Meum est argentum, & meum est aurum, dicit Dominus exercituum. Magna erit gloria domus istius novissimæ, plus quàm primæ, dicit Dominus exercituum. Per desiderium omnium gentium intelligunt interpretes piè & rectè Christam, quod magno cum applausu gentium ac populorum esset in mundo per fidem Evangelij recipiendus. Et quanquam Calvinus hanc interpretationem attingit, agnoscens, posse sic explicari, tamen mox in priores tenebras evanescens, per desiderium gentium divitias illarum intelligit. Quæ glossa ex Iudeorum libris hausta est, & à Luthero graviter refutata.

Porro commentum Calvinii, sic habet: Postea adiungit, desiderium omnium gentium. Potest hoc duobus modis exponi, vel quòd gentes accedent, & simul afferent quicquid preciosum

Luth. in
lib. de
Iud. &
illorum
menda-
cij.

ociosum est, ut consecrent ad cultum Dei. Nam Hebræi desiderium vocant, quicquid habetur in precio: ita hoc nomine compræhendunt omnes divitias, honores, & delicias, & quicquid tale est. Ideo quidam sic contemnant, Concutiam omnes gentes, & veniet desiderium: ut sit mutatio numeri. Alij subaudiunt particulam, **et**, vel **et**, hoc est, veniet cum desiderio, vel, venient in desiderio, id est, non venient gentes vacuæ, sed colligent omnes suos thesauros, ut sacra sit Deo oblatio. Sed possumus etiam intelligere de Christo, quod dicit, Desiderium omnium gentium, & implebo domum hanc gloriâ. Scimus enim Christum fuisse expectationem totius mundi: sicuti etiam apud Iesaiam dicitur. Et optimè quadrabit hæc locutio, ubi desiderium gentium advenierit, hoc est, ubi patebit Christus, ad quem respicere debent omnium vota, tunc illustrem fore secundi templi gloriam. Sed quia statim subiungitur:

meum

Meum argentum, & meum aurum, ideo SIMPLICIOR erit sensus ille, quem iam retuli, nempe venturas gentes & quidem instructas omnibus divitijs, ut se, & sua omnia offerant Deo in sacrificium. Optimè enim convenit quod sequitur si expositivè legamus, meum argentum, meum aurum dici lehova, hoc est, Ego non inopia hæcenus distuli plenam Templi ædificationem.

Frivola ratio est, qua se à priori sensu, qui Christianorum est, ad Iudaicum istum patitur transversum abripi. Quodenim de auro & argento subiicitur, hanc habet sententiam: Nolite cogitare, hoc posterius Templum fore priori illo Solomonis ignobilius, propterea quod non fulget auro, nec thesauris adeò ditatum est, ut prius erat: meum enim alioquin est omne aurum & argentum, nec coram me quicquarum decoris affert Templo argentum & aurum. Est verò aliud,
F
quod

quod magnificentiam Templi huius
 secundi supra gloriam primi in im-
 mensum attollet, videlicet quod Chri-
 stus ipse in eo docturus est, suaq; præ-
 sentia, doctrina & miraculis ita col-
 lustraturus, ut omne aurum & argen-
 tum, cunctiq; thesauri, quibus dota-
 tum erat prius illud, cum gloria secun-
 de domus in æternum comparari ne-
 queant. Hunc simplicissimum & ve-
 rissimum esse sensum, qui vis non pla-
 nè stupidus agnoscit & intelligit. Et
 constat nihilominus id, quod de auro
 & argento adyicit Propheta, hoc, quo
 iam dictum est, sensu.

V. Verum ut ad alia transeamus: vo-
 luit Dominus sui Filij in carne præsen-
 tiam non esse occultam, sed manife-
 stari Israeli. Atq; ob hoc excitavit Io-
 hannem Baptistam præcurso-
 rem Mes-
 siae, qui concione pænitentiae novoq;
 Baptismi ritu viam pararet Christo
 Domino. Hoc aliquot seculis antè
 prodiderunt sancti Prophetae diversis
 de

de præcurſore Meſſiæ vaticinijs. Cum primis autem Eſaias capite 40. hæc annuntiaturus hortatur Novi Teſtamenti Doctores, ut blandè loquantur ad cor Ieruſalem, eiſq; prædicent Evan- gelium gratiæ Dei & remiſſionis pec- catorum, quòdq; dimiſſa ſit iniquitas eius, quòdq; loco peccatorum ſuorum, quibus alias pœna àbebebatur, dupli- cia contingunt ei beneficia de liberali manu miſericordiæ Domini, nimirum & peccati venia, & iuſtiæ imputa- tio: idq; per & propter adventantem Meſſiam, cuius gloria futura ſit omni carni conſpicua.

Porro quo ſigno cognosci debeat, quando Meſſias ad ſui muneris fun- ctionem proditurus ſit, diſertè Domi- nus deſinit, ſigni voce conſtituens prædicationem Iohannis Baptiſtæ in deſerto Iudææ. Iàcirco pergit Prophe- tia: Vox clamantis in deſerto, parate viam Domini. Rectas facite ſemitas Dei noſtri: omnis vallis exaltabitur,

*& omnis mons & collis humiliabitur
&c. Et sanè, quæ sit horum verborum
mens, opus nobis non est vel statu con-
iecturali vel divinationum libris Ev-
angeliste simul omnes hæc implet a re-
ferunt, Iohanne exordiente Bapti-
smum & concionem suam in deserto.
Nam hic est ille, dicit Matthæus, de
quo dixit Esaias Propheta, qui ait vox
clamantis in deserto, parate viam
Domini, rectas facite semitas eius.
Marcus à complemento huius vaticini-
ij suum orditur Evangelium hoc pa-
cto: Initium Evangelij Iesu Christi fi-
lij DEI, sicut scriptum est in Prophetis:
Ecce ego mitto nuncium meum ante
faciem tuam, qui preparabit viam
tuam ante te. Vox clamantis in deser-
to: parate viam Domini, rectas facite
semitas eius. Baptizabat autem Io-
hannes in deserto Iudææ &c. Lucas
non dubitavit integrum vaticinium
Esaie referre: Venit Iohannes in o-
mnem regionem finitimam Iordanis,
predi.*

prædicans Baptismum pœnitentiæ in remissionem peccatorum, sicut scriptum est in libro sermonum Esaiæ Prophetæ dicentis: Vox clamantis in deserto, parate viam Domini, rectas facite semitas eius. Omnis vallis implebitur, & omnis mons & collis reddetur humilis. Et fient, quæ obliqua sunt, directæ, & aspera vertentur in vias planas, & videbit omnis caro salutare Dei. Evangelista Iohannes inducit ipsummet Baptistam hæc de sese ad legatos Iudeorum aperte citantem. Urgentibus enim: quis es? ut responsum demus his, qui miserunt nos? Quid dicis de teipso? Ait: Ego vox clamantis in deserto, dirigite viam Domini: sicut dixit Esaias Prophetæ. Age habemus indubium Prophetæ sensum, tot fidorum, omniq; humana exceptione maiorum testium approbatione solidissimè constabilem. Ad hanc unanimes expositionem beatorum Evangelistarum confer nunc eam, quam Cal-

vino proferre libuit Commentatio eius est hæc : prolequitur (Dominus) argumentum, quod exorsus erat, atque expressius declarat, se missurum populo, quamvis in speciem desperato, MINISTROS consolationis. Simul prævenit objectionem, quæ afferri poterat. Tu quidem promittis consolationem, sed ubi erunt PROPHETÆ? nam in deserto futuri sumus. Vnde perveniet ad nos hæc consolatio? Testatur ergò, desertum impedimento non fore, quò minus ista consolatione fruantur. Et DESERTVM METAPHORICE capitur pro vastitate illa, quæ futura erat, non tamen nego, quin ad iter intermedium alludat Propheta. Videbatur enim deserti asperitas reditum intercludere. Promittit ergò, tametsi obstructæ essent viæ omnes, nec ulla rima pateret, Dominum sibi ac suis exitum per invia facile patefacturum. Alij coniungunt particulam hanc, In

In deserto, cum membro sequenti, atque ita exponunt, Parate viam Iehovæ in deserto. Sed videtur potius vocem inducere Prophetam, quæ palatos & quasi ab orbe habitali expulsos colligat, Tametsi nihil præter horrendam solitudinem conspiciatis, tamen hæc vox consolationis ex P R O P H E T A R V M ore audietur. Hæc enim ad duram illam servitutem referuntur, quam I N B A B Y L O N E subituri erant. Quos verò compellat ista vox? an fideles? M I N I M E: Sed Cyrum, Persas & Medos, qui captivum hunc populum tenebant. Hi cum alieni essent ab obsequio Dei, coguntur populum liberare. Iubentur ergo parare ac sternere viam, ut populus Dei in Iudæam reducatur, ac si dictum esset, ex invisiis pervia facite.

Observa hic, Calvinum per vocem clamantis non unum aliquem Concionatorem, ut Baptistam, sed in.

definitè quoslibet Prophetas intelligere, per Enallagen numeri, qua etiam configere solet alia vaticinia, ut in progressu docebitur. At Evangelista unum & solum Baptistam notari, coniunctis suffragijs decernunt.

Deinde cum Evangelistæ per desertum κατὰ τὸ ἔρημον intelligant desertum Iudææ, Calvinus altius sese effereus desertum Metaphoricè capit pro vastitate illa, quæ futura erat tempore captivitatis Babylonica: & eludit deserti vocem per Metaphoram, quo tro-po alia quoq; divini Spiritus oracula non pauca depravavit.

Tertiò Evangelistæ partem vaticinijs hanc (parate viam Domini &c.) eò referunt, quòd homines ad concionem Iohannis pœnitentiam agente, viam adornent adventanti Messia. Calvinus autem ex sua Metaphora Paraphrasin astringit sensu diversissimam, nimirum hanc: tametsi captivis Iudæis obstructæ essent viæ omnes
ne

nec ulla rima pateret: tamen Dominum sibi & suis exitum per invia facile patefacturum.

Quarto Evangelistæ compleri docent Esaiæ vaticinium demum Iohanne prodeunte ad docendum. Calvinus oggannit, id ad duram illam servitutem referri, quam in Babylone subituri erant Hebræi.

Quinto Evangelistæ perhibent, Iohannem concionem παρρησιαστικὴν illam dirigere ad populum Iudaicum, qui temporibus ijs erat & dicebatur DE I populus. Calvinus longè sapit & sentit aliter, scribens: quos verò compellat hæc vox (scilicet in deserto clamans) an fideles: minimè: sed Cyrum, Persas & Medos, QVI CAPTIVVM HVNC POPVLVM TENEBANT. Hos ait Calvinus inberi, parare & sternere viam, ut populus Dei in Iudeam reducat.

Quis pia mentis hæc legens & audiens, temperare sibi potest, quin per-

fectō odio, ut Propheta loquitur, oderi.
 & auerſetur hunc præſtigiārum Iu-
 daicarum architectū? quōd hanc
 veretur Evangelistarum interpreta-
 tioni medium digitum ostendere, si-
 biq; glossam fabricare aliam, qua te-
 xui (si Dis placet) magis congruat.
 Eam enim, quam Evangelistæ nobis
 assignant, declarationem, analogia
 typi duntaxat mihi censet, quatenus il-
 la è Babilone redemptio typus tantum-
 modo fuerit redemptionis nostræ an-
 nunciata per Iohannem, tanquam pri-
 marium interpræcones eius redem-
 ptionis, ut qui digito Christum osten-
 derit. Sed allegatio S. Evangelistarum
 multo clarior est, quàm ut his verbo-
 rum præstigijs eludi vel eludi sese pa-
 tiatur. Et docet unanimis Evangeli-
 starum omnium consensus, Esaie va-
 ticinium iuxta proprium, nativum &
 genuinum sensum, non ad quēquam
 alium vel Prophetam vel Doctorem,
 quàm Mesie *πρόδρομος*, nec ad aliud
 aliquod

quod antegressum tempus extendi: sed
ad Novi Testamenti seculum unicè
restringendum esse.

Progrediamur. Prænuñciarunt
Sancti Prophetae, Christum, præter ar-
duum illud opus redemptionis, functu-
rum insuper esse munere docendi. Hoc
Dei iussu atque nomine promulgat
Moses Deut. 18. Prophetam suscitabo
de medio fratrum suorum, similem
mihi, & ponam verba mea in ore eius,
loqueturq; ad eos omnia, quæ præcepe-
ro illi: qui autem verba eius quæ lo-
quetur in nomine meo, audire nolue-
rit, ego ultor existam.

Hoc cæleste oraculum ad unicum
& solum Iesum Christum esse referen-
tum, docet Stephanus Act. 7. multoq;
clarius exponit Petrus Act. 3. Calvi-
nus etsi concedit ad Christum etiam
pertinere, ideoq; rectè à Petro in Chri-
stum conferri: tamen quod de S O L O
Christo sit intelligendum pervicacissi-
mè negat. Verba eius sunt hæc: Colligimus

VI.

Vaticini-
um de
officio
docendi
assigna-
to Mes-
siae Deut.
18.

Calvin' 94
in Deut.
18.

C A L V I N V S

gimus in nomine Prophetæ esse ena-
lagen numeri. Nam quòd nonnul-
ad Iosua, alij ad Ieremiam restrin-
gunt, prorsus insulsum est, quando
hic de continuo regendæ Ecclesiæ te-
nore differit Moses, non autem rec-
tat, quid factururus sit **DEVS** ad bre-
ve tempus. **NIHILO** **RECTIOR**
est eorum sententiã, qui præcisè d
solo Christo accipiunt. Nam illuc
quod dixi, Dei consilium tenere con-
venit, non relinquì ludæis excusatio-
nem, si ad pythones vel magos de-
clinent, quia Deus nunquam eos de-
stituit Prophetis & Doctoribus
Quod si ad solum Christum eos ab-
legasset, in promptu erat exceptio
durum esse, per duo annorum millia
carere Prophetis & revelationibus
Hac ille.

*At verò Petrus de SOLO Chr-
sto hac enarrat, Act. 3. quando de ho-
(Christo) omnes cæteros Prophetas
ipsumq; adeo Moysen concionatos re-
fert*

*Fert. Quin restringit Petrus complex-
 nentum, ut ceterorum vaticiniorum
 prophetarum, ita singulatim huius
 Mosaici oraculi, ad Christi tempora,
 non ad antegressa secula, ut Calvinus
 opinatur. Aut enim: Quem oportet cæ-
 um accipere usque in tempora resli-
 tutionis omnium, quæ (tempora) locu-
 us est Deus per os omnium Sancto-
 rum à seculo Prophetarum. Moses qui-
 tem ad Patres dixit: Prophetam su-
 citabit vobis Dominus Deus vester de
 fratribus vestris mei similem. Audie-
 is eum iuxta omnia, quæcumq; locutus
 fuerit vobis. Futurum est autem, ut
 omnis anima, ἡτις ἄρ' μὴ ἀκδοῇ τὸ προ-
 φητεῖον ἐκεῖνο, quæ non audierit PRO-
 PHETAM ILLVM, exterminetur
 è populo. Quin & omnes Propheta,
 & Samule, ac deinceps, quotquot locuti
 sunt, annuntiaverunt DIES HOS.*

*En tibi Divi Apostoli Petri con-
 tionem, qua vaticinium Mosis ad hæc
 tempora, & dies hos, Messia scilicet,
 per-*

perspicuè restringitur. Audis etiam quam emphatice Petrus urgeat singularem numerum, ut de uno quodam eximio Propheta, nempe Christo, sermonem institui declaret, Enallagen illam numeri, quam Calvinus urget radicitus evellens. In qua enim Grammatica ὁ προφήτης ἐκένθη, Propheta ILLE, æquipollet plurali numero, cum & articulus, ὁ, & insuper additum pronomen, ἐκένθη, δεκτικῶς ad unum planè singularem, eumq̃ eximium Doctorem, Christum videlicet restringat? Quod nemo, nisi vel Græcæ linguæ rudis, vel enormiter impudens, negaverit. Elumbis igitur est Calvini ratio de Pythonibus & Magis, quam sua prætexit interpretationi. Solenne enim est Domino in Mose, nunc præcepta dare: mox subycere promissionem: vel commonefactionem, vel etiam comminationem. Quæ omnia, diversa cum sint, sub easdem cogere velle circumstantias præposterum foret interpretis.

Prædi-

*Prædixerat Dominus, non tantum fore Messia officium, ut sit Propheta & Doctor populi: sed ipsum quoque, genus doctrinae speciatim expressit, quod sit è sinu Dei prolaturus Evangelium salutis, & liberationem annuq̃, verè Iubileum gratiæ Dei sua voce prædicaturus. Sic enim hac de re iam olim vaticinatus erat. Esaias Propheta cap. 61. imò sic Messias ipse loquitur: Spiritus Domini super me, è quòd inxerit me, ad annuntiandum man-
 uetis misit me, ut mederer contritis corde, & predicarem captivis indulgentiam, & clausis apertionem, ut predicarem annum placabilem Domini. 10. Hunc locum Christus Capernaï in synagoga publicè de se interpretatus est, testificans ac dicens: HODIE impleta est hæc Scriptura in auribus vestris, Lucæ 4. Calvinus autem nil miratus expositionem Christi, ad Esaiæ locum hæc annotat: Quoniam Christus hunc locum de seipso exponit*

*Vaticini-
 um Esa.
 61. de E-
 vangelio
 per Chri-
 stum pro
 mulgan-
 do.*

nit Luc. 4. ideo interpretes sine controverſia ad ipſum hæc conſtringunt. Sumunt autem hoc principium, induci Chriſtum loquentem, quaſi ipſi ſoli hæc omnia convenient. Hoc ridet Iudæi, quòd inconfideratè trahantur ad Chriſtum, quæ alijs quoq; Prophetis congruunt. Sic itaque ſentio: hoc caput veluti ſigillum addi ſuperioribus, ut quæ hæcenus dicta fuerant de reſtituenda Eccleſia Chriſti, confirmentur: atque in hunc finem teſtari Chriſtum, ſe à Deo unctum eſſe: quo fit, ut ſibi hoc vaticinium meritò accommodet. Nam quæ alijs obſcurè tradiderunt, clarè & aperte exhibuit. Sed hoc non repugnat, quin alijs quoq; Prophetis, qui à Domino uncti ſunt, conveniat hæc ſententia.

Idcirco Calvinus id, quod additur (ad prædicandum manſuetis miſit me) manifeſtè ad Prophetam refert hac appoſita notatione: AD PRÆDICAN-

Et in ſequentibus Calvinus ſuum cachinnum cum Iudæorum riſu coniungit.

DICANDVM: Non prius vendicat sibi **PROPHETA** ius & auctoritatem docendi, quàm ostenderit se à Domino missum esse. Auctoritas in eo fundata est, quòd unctus, hoc est, necessarijs donis à Deo instructus sit. A nobis igitur non tanquam privatus homo, sed tanquam publicus minister è cœlo profectus audiri debet.

Iudicent pia mentes, quid sentiendum sit de hoc genere commentationum, quo tam audacter expositio Salvatoris, si non planè reijcitur, at certè plurimum debilitatur iudicent: quanta sit protervia, vaticinia ea, quibus officium filij sui unicè describit Deus, accommodare alijs, atque sic incertitudinis ac dubitationis aculeum quendam legentium animis insigere.

Iam Zachariæ vaticinium de ingressu Christi in urbem Ierosolymam, VATICINIUM concedit quidem in Christo suum esse Zachariæ sortitum complementum. Nec tamen de ingressu temperare sibi per omnia potest ab illo

G vete-

Christi
in urbē
Ierof.

veteratorio lusu, & studio perverso, scripturus à proprio sensu flectendi ad peregrinum. Evangelista in verbis Zachariae dicentis (Ecce, rex tuus venit tibi sedens super asinam & super pullum filium asinae) vocabulum asinae & pulli in propria significatione sumunt, absq; ulla prorsus ambiguitate, nec quicquam aliud intelligunt, quàm ipsam illam asinam mutuaticiam, cui Dominus Iesus insedit, unâ cum illius pullo. Sed quia Calvino hoc fortè nimis videtur abiectum & humile. ideo glossam aliam proferre libuit: Verum quidem est, ait, Prophetæ verba esse METAPHORICA: quum dicit, veniet Rex equitans super asinum, FIGURATIVVS est sermo. Nam Prophetæ intelligit, Christum fore quasi obscurum hominem, qui sese non extolleret supra communē vulgi modum: HIC EST GENIVVS SENSVS: verum est, sed tamen hoc non obstat, quò minus
Christi

Si hic est genivus sen-
sus. quem
Calvinus ex
præconcepta

Christus etiam ediderit huius rei specimen, ubi asinum illum conscendit. Proferam simile exemplum : Cum Psalmo 22. dicitur : Miserunt fortem super vestes meas, certè etiam metaphora illic satis apparet, quòd hostes Davidis partiti fuerint eius spolia. Conqueritur ergò, prædones illos, à quibus iniuste deiectus fuerat, diripuisse suos honores, suas copias : & interim completum, hoc fuit visibili modo, nempe ut crassissimi etiam quique agnoscerent, non frustra hoc totum fuisse prædictum. Nunc ergò intelligimus, quàm benè inter se hæc convenient. METAPHORICE Prophetam loqui de contemptibili Christi specie : & tamen visibile Symbolum optimè quadrare, ut rudissimi quique agnoscerent, non alium sperandum esse Christum, quàm eum, qui apparuit tunc. *Vsq̃ adeò Calvino penitus innata videtur illa prurigo torquendi Verbum*

metaphora extruit, Apostoli ergò à genuino sensu aberraverunt.

Nugatorium est, Davidem ibi loqui metaphoricè; quod infra docebitur.

Asinus, id est, contemptibilis species.

G 2 DEI,

DEI, ut tropis suis, Metaphorâ cum primis, in re tam gravi & ardua, nihilo sanctiore mente ludat, quàm ægyptiæ ludunt suis præstigijs & offucijs.

Vatici-
nia Vet.
Test. de
passione
Christi.

SEquuntur vaticinia de Passione & morte Christi. Atque hîc observandum ante omnia venit, Spiritum sanctum non modò typis sacrificiorum, serpentis anei, & figuris alijs adumbrasse venturi Messie passionem; sed claris insuper vaticinijs, & omnino ad Christum ceu principalem scriptio- nis Prophetica scopum, in toto veteri Testamento collimasse; cuius divini Spiritus afflatu sancti Prophetae de ventura in nos gratia vaticinati sunt, inquit Petrus, scrutantes, ad quem aut cuiusmodi temporis articulum significaret, qui in illis erat Spiritus Christi, qui, priusquam acciderent, testabatur venturæ in Christum afflictiones 1. Pet. 1. Christo certè omnes Prophetae testimoniū perhibent.

Act.

Act. 10. & ut paulò prius ex ore Apostoli Petri didicimus, omnes Prophetæ annuntiaverunt dies hos Messia, & quæ in illo essent eventura. Act. 3. In capite namq; libri scriptum est de illo, ut faciat voluntatem Dei Psalm. 50. subeundo videlicet passionem & mortem crucis. Vnde de ventura sua passione & morte testificans Apostolis, ait, Hieroselymus impletum iri ea omnia, quæ prædicta sint per Prophetas de filio hominis Luc. 18. Et in horto iubet Petrum recondere gladium in vaginam; posse enim se, si expediat, orare Patrem, ut mittat duodecim legiones angelorum, ne tradatur Iudæis. Sed oportere impleri Scripturas Luc. 22. Et post resurrectionem ostendit discipulis ex Mose, Psalmis & Prophetis, oportuisse Christum sic pati & intrare in gloriam suam Luc. 24. aperiens eis scripturas, quæ scriptæ erant de se, ibid. Quin Apostoli quoq; in Actis ex Scriptura Prophetarum Iudæis mon-

strant, Iesum illum crucifixum esse Christum. Hæc in arce memoria locentur, ut firmum fixum statuamus, Prophetas vaticinijs suis cum perspicuitate clavis, tum numero benè multis, non obiter aut παρρησια, sed studio supremo & ex professo planè disseruisse de passione & morte venturi Messia. Quod cum ex his iam dictis indubitatio constet: damnandum meritiò est maleferiatum studium Calvini, quo caliginem Iudaicarum tenebrarum sacrosanctis ijs oraculis offundere totis viribus enitur.

I.

Vaticinium de
passione
Christi
Gen. 3.

In prima statim promissione Evangelica Genes. 3. vaticinium exire de passione Domini, cum dicitur ad antiquum Serpentem Diabolum: Et tu vulnerabis calcaneum eius, indicatum supra est. Quibus verò nebulis id obtenebretur elusoria παρρησια Calvini, itidem est demonstratum.

II.

Vaticinium
I. in Za-

Vt autem in excutiendis sancto-
rum Prophetarum vaticinijs concioni-
bus

bus ordine procedamus ; sequemur se- char. 13.
quem ipsius historia passionis , ut eam de fuga
Spiritus sanctus per Evangelistas in discipu-
Novo Testamento curavit describen- lorum.
dam.

Principiò Salvator clarissimis
verbis denunciatis Apostolis, futurum,
ut ea nocte , quæ passionem proximè
præcedebat, ab ipsis deseratur , allegat
Scripturam Propheticam: Scriptum est
enim , inquit , Percutiam Pastorem ,
& oves dispergentur : non obscure do-
cens, Prophetam Zachariam in Spiri-
tu illam discipulorum fugam ac deser-
tionem Domini sui prænuñciasse, ideoq;
certò in eis completum hoc iri , quic-
quid tandem Petrus & reliqui contra-
dicant Et certè si verba Prophetæ pen-
sitentur, obvium est cognoscere, ad un-
quem ea cum ipso rerum eventu con-
gruere. Cancio Zachariæ talis est: Ex-
pergiscere, gladiæ, super pastorem, &
super virum mihi coherentem ; percu-
te pastorem, & dispergentur oves. Ni-

mirum agit de Pastore, non pastoribus, quod etiam adiectum nomen (virum) indicat, unum quendam, eumq; minimè vulgarem Pastorem quasi digito Prophetæ connotans: & quidem Pastorem singulatim eum, qui Deo intimè cohereat, eiq; proximus sit: quæ luculenta periphrasis est non gregarij Pastoris, sed eius solius, qui κατ' ἐξοχὴν Pastor in Scriptura nominatur, qui est filius Dei, Dominus Iesus Christus.

Hæc nulla sophistica quàmlibet ingeniosa possunt eludi. Et debuit urgentissima hæc ratio, emphatica notatio, planèq; demonstratoria periphrasis, ut & Salvatoris irrefragabilis exegesis, monere Calvinum, ne aliò, quàm ad principem Pastorum, Dominum Iesum, Zachariæ verba transferret.

Sed ille nec Prophetam sui ipsius interpretem, nec Christum moratus quicquam ita scribit in suo Commentario: Noltri ferè omnes restringunt hunc locum ad personam Christi, quia

Matth.

Matth. 26. citatur sententia illa, Persecutiam pastorem, & dispergentur oves. Sed non videtur solida esse ratio, quia quod de pastore dicitur, potius extendi probabile est ad ipsum ordinem totum: quemadmodum ubi dicit DEVS, Prophetam excitabo vobis ex medio vestrum, certè illic non fit mentio unius Prophetæ solùm, sed complectitur DEVS omnes Prophetas: ac si diceret, Nunquam destituam vos salutis doctrina, & singulis ætatibus ostendam, me gerere curam vestri; quia semper aderunt Prophetæ, quorum ore declarem, me vobis esse propinquum.

Nimirum quale Thema est, talis est eius quoque probatio Thema notoriè falsum est, (verba Zachariæ ad totum ordinem Pastorum esse extendenda) argumentis immotis & in æternum irrefutabilibus modò ingulatum.

Probatio porrò Calvinì petitur ex

G 5 aquè

*equè falsa hypothesis, qua vaticinium
Mosis (Prophetam suscitabo vobis) pari
modo non ad Christum solum referri,
sed ad omnes Prophetas extendi som-
niat: quod commentum Petrus Apo-
stolus paulò antè concione sua protri-
vit & comminuit.*

*Quaquam autem velit Calvi-
nus dictum Zacharia primò de Chri-
sto intellectum, de ceteris Doctõribus
secundariò: tamen ad fidem nostram
contra Iudeorum blasphemias firman-
dam precipuum robur infringitur,
quamprimum non unicè aptatur Chri-
sto, sed ad totum ordinem glossa ni-
mis generali porrigitur.*

III.

Vaticini-
um Za-
char. 11.
de trigin-
ta argen-
teis.

*Iam quomodo triginta argenteo-
rum precio tradendus esset Dominus,
Zacharias illustrissima concione sic
per circumstantias expressit, ut eius
rei non vates, sed αὐτόπτης fuisse vi-
deatur. Concio Prophetæ sic habet: Et
dixi ad eos: si bonum est in oculis ve-
stris, afferte precium meum: sin mi-
nus,*

nus, quiescite. Et appenderunt precum triginta argenteos. Et dixit Dominus ad me: projice illud ad figulum. Egregium precium, quo appreciatus sum ab eis. Et tuli argenteos triginta, & proieci illos in domum Domini, ad figulum. Hec & clara sunt per se: & Matthæus Evangelista cap. 26. huius prophetie luculentus interpres est, tum illam impletam referens, quando Iudas triginta argenteos, precium venditionis Christi, proiecit in domum Domini, qui postea figulo pro emptio-
ne agri ad sepulturam peregrinorum sunt tradita.

Operapretium autem est audire & Calvinum, quo pacto is Propheta sensum reddiderit. Is paraphrasin affert totam oppletam atra fuligine & caligine cecitatis & amentie Iudææ. Sic enim spiritu soporis inebriatus incessitat: iam addit aliud crimen Deus, quo detegit populi malitiam, quoniam ferè unius festuæ pretio æstima.

stimaverint, quicquid insumserat laboris. Prius conquestus est de ingratitude: sed hinc melius detecta fuit improbitas populi & flagitium, quòd ita vilipenderint inæstimabilem Dei gratiam erga ipsos. Huc ergò pertinet, quod nunc dicit Propheta, Deum postremò tentasse, an sua beneficia pretij aliquid haberent apud Iudæos: sed fuisse tunc palàm còperitum, quicquid impenderat operæ & laboris, fuisse malè locatum & perditum. Quòd autem nunc in sua persona loquitur Zacharias, nunc verò Deum loquentem inducit, heri diximus, hoc ad rem parum facere, quoniam hic describit duntaxat, quàm turpiter abusi fuerint Dei gratia Iudæi, & quàm iniuste eam contempserint. Interea autem loquitur ipse quasi Dei minister: quoniam non modò per se gubernavit Deus populum illum, sed instruxit virtute Spiritus sui multos ministros, qui obirent pastorum

rum munus. Dicit ergò se venisse,
(& hic sermo propriè in Deum com-
petit) ad populum, & flagitasse mer-
cedem: DATE, inquit, si ita videtur,
mihi mercedem: sin minus, desistite.
hîc exprimit summam indignatio-
nem: quemadmodum si quis expro-
bret malitiam & ingratitudinem pro-
ximo suo: Agnosce beneficium si vo-
les: sin minus, mihi perierit: ego non
curo: ego video te esse nebulonem,
qui indignus fueras, quem ego tam
liberaliter tractarem. Ego igitur nihil
moror tuas compensationes: sed inte-
rea tuum erat videre, quid mihi debe-
res. Sic etiam stomachosè loquitur
DEVS hoc loco: Date saltem mer-
cedem, ne gratis vobis servierim: abusi
estis meo labore: ego sustinui multas
iniurias & molestias in vobis regen-
dis: quæ erit compensatio sollicitudi-
nis? nempe qualis decet Hypocritas
& ingratos, qui erga benemeritos
contumeliosi sunt, Equidem non mor-

tor

ror mercedem, quia etiam non sum mercenarius. Postea addit, dedisset triginta argenteos. Non dubium est quin hoc commemoret pretium quod vile, ac si vellent tot & tam inestimabiles Dei gratias compensare vili pretio: quemadmodum si quis conduxerit subulcum aut colonum aliquem, dabit vile pretium: Sic etiam dicit Propheta, ludæos egisse cum Deo. Interea per vile pretium, quod bubulco dignum esset, intelligit frivolas nugas, quibus putabant ludæi se posse satisfacere Deo. Scimus enim, fuisse admodum sedulos in suis Ceremoniis. Quasi verò hæc compensatio apud DEVM quicquam valeat. Requirit cordis integritatem: & ideo addicit, ut vicissim nos possideat. Hoc igitur erat pretium laboris, quod Dominus fuerat meritis: hæc erat iusta merces, si se in obsequium totos ludæi addicerent eius verbo. Quid autem? nempe defuncti sunt Ceremoniæ.

*Mercedem
30 argen-
teorum
planè figu-
ratè expo-
nit.*

nijs & alijs frivolis rebus. Fuit igitur
 hoc sordidum munus, quasi vellent
 rependere mercedem alicui subulco.
 Ideo adiungit : Dixit mihi Iehova,
 proſce hoc ad figulum : hæc ſcilicet
 digna eſt mea merces? Proſce ad fi- Hæc de
 gulum, ut emat ſibi lateres vel regu- figulo e-
 las ad reſciendum templum : ſi quæ mente ſi-
 ſint ruinæ in templo, emat ſibi regu- bi late-
 las inde ſigulus, aut quiſpiam alius res ad
 artifex ignobilis habeat ſibi tale pre- tēplum;
 tium. Nam Ironice poſtea vocat ma- ubi legit
 gniſcentiam & gloriam pretij, quo Calvin⁹?
 eſtimat⁹ eſt: hæc ſcilicet gloria eſt mei forte in
 pretij: cum ego tot moleſtias pertule- Judæo-
 rim, iam agunt mecum, perinde ac rū Thal-
 tum aliquo ſordido bubulco. Ego ta- mud.
 men eram ipſorum Dominus & Pa- Quàm
 ſtor. Ergo cum velint ita fucose mihi hæc lunt
 ſatisfacere, hic etiam per contumeli- omnia
 am obtrudunt mihi vile pretiū, quaſi contor-
 leiſcerent meam gloriam, vel con- ta?
 puerent in faciem meam : proſce,
 proſce ad figulum, inquit : hoc eſt,
reſe

reficiant templum Dei, in quo perinde sibi placent, ac si essent in cœlo. Sed templum illis est Idolum: quia Deus nunquam propinquus erit, dum ita hypocriticè cum ipso agent. Reficiant igitur ruinas templi sui, & solvant figulo precium, quia ego non patiar, tam contumeliosè mihi precium mea maiestate indignum obtundi. Nunc tenemus consilium Prophetæ: ac primò illud, quod dixi, memoria tenendum est, hîc narrari, quàm desperata fuerit populi improbitas, quòd reiecti à Deo, & confecta eius virga, tamen pro nihilo duxerint, quas experti fuerant, eius gratias. Quare: putarunt enim Deo satis superq; præstari, si eum colerent externis nugis: quoniam Ceremoniæ sine pietatis sensu duntaxat frivolæ nugæ sunt coram Deo. Hoc ergò nunc urget Propheta, quòd Iudæi malignè sepelierint Dei beneficia, quibus tamen eos ita obstrinxerat sibi, ut non essent solvendo,

*Hocine est
tenere con-
siliū Pro-
pheta?*

vendo, & eadem etiam ratione subiicit: proijce ad figulum. Testatur enim sibi hæc nullius precij esse, imò se abominari mercedem, quam volunt rependere homines; ubi scilicet tam contumeliosè cum ipso agunt, sicuti alibi dicit, sibi esse fastidio apud Esaïam. Ego nauseo ad vestros festos dies: quid calcatis quotidie pavimentum templi mei? Deinde perinde est, qui bovem mactat, ac si occideret hominem, Deus ergo omnibus illis locis ostendit, quemadmodum nunc apud Zachariam, sibi summæ abominationi esse sacrificia, quæ offerunt impij homines, & Hypocritæ, sine aliquo affectu pietatis. Quare? nam hæc est summa contumelia, quã inurunt reprobi, quasi sputis fœdarent eius faciem, ubi scilicet eum comparant vel figulo vel bubulco, & non cogitant quid pretij mereatur, nempe ut se totos illi consecrent & verè addicant absq; simulatione. Vbi

H

igitur

igitur ludunt homines cum Deo, & putant ipsum oblectari frivolis nugis, comparant eum, quemadmodum dixi, vel hubulco vel opici gregario & ignobili. Hoc autem opprobrium non potest ferre, & meritò tam graviter hinc stomachatur per Prophetam suum. *Haftenus Calvinus.*

Triginta argenteos intelligit ipse de mercede hypocritica, qua populus voluerit Domini labores & gratia compensare. Hanc rursum dicit esse externas ceremonias, sacrificia &c. Quo autem argumento fidem facit huic suae glossae tam violentae? Nimirum αὐτὸς ἔφα. Pro authentico igitur habendum ipsius effatum, quicquid reclamet Evangelista Matthaeus. Iamque affert de figulo suo, & subulco & opifice ignobili & gregario quàm non spirant Propheticam huius loci intelligentiam, sed fimetuntolent planè Iudaicum? Cum primis autem observatu dignum est, quod 30 argen

argenteos, quos tamen metaphoricè dicit esse Ceremoniarum nugas, fingit ad figulum projici debuisse, ut is emat inde sibi lateres vel tegulas ad reficiendum templum. O Iudaicam cæcitate, ò tenebras plus quàm Aegyptiacas. Scriptura Novi Testamenti, citans hæc, ait, datum esse precium 30. argenteorum figulo pro venditione agri ad sepulturam peregrinorum. Sed hæc expositio Evangelistæ nimis est usu trita. Cudenda igitur fuit nova, de figulo emente tegulas ad Templi ruinas instaurandas, & quidem ex 30. argenteis, non propriè, sed metaphoricè, aut si mavis allegoricè acceptis.

Dices fortè mihi, in sequentibus tamen sui Commentarij Calvinum approbare Matthæi Evangelistæ ἐξήνκοιτο? Respondeo, hoc est, quod diximus aliquoties, Calvinum hunc servare ordinem in explicandis Prophetis, ut eorum vaticinia primò iudaicis glossis probè retundat, & aciem illorum he-

H 2 betet,

betet, & nervum argumentationis
adversus infideles incidat, & imum
fundamentum labefaciat, per stro-
phas mirabiles, & mille spinis obsitas
& intricatas detorsiones, id est, per tro-
porum & figurarum, cum primis au-
tem adamata metaphora suæ presti-
gias. Cumq; iam pristinus ille propheti-
corum oraculorum vigor atq; robur ad
redarguendos Iudeos emarcuit: tum
demum admiscet aliquid de eo sensu,
quem assignatum videt ab Evangeli-
stis & Apostolis; ita tamen, ut regnet
& emineat tanquam principalior
magisq; proprius is, quem Calvinus
iubet esse proprium. Sensus verò, ab A-
postolis redditus, sit quasi $\pi\alpha\rho\epsilon\rho\gamma\theta$.

Videamus autem, quomodo Cal-
vinus approbet Evangelistæ citatio-
nem illam. Tota summa huc redit,
quòd hætenus congruat illud Zacha-
riæ cum Matthæo, quatenus Deus in
Christi persona voluerit exhibere vi-
sibile specimen & sȳmbolum eius,
quod

quod Propheta figuratè sub lege factum esse docuerit. *Sed respondeo: primò Calvinus pro confesso sumit id, quod Matthæus Evangelista non largitur, nimirum figuratè ibi loqui Dominum, & per 30 argenteos notare hypocriticos Hebræorum cultus, quibus Domino sua voluerint probare obsequia.*

Deinde si huius rei, quam Zacharias refert, oportuit visibile extare symbolum in Christi persona: cur non reliquarum etiam, quæ unquam uspiam in Veteri Testamento inter Dominum eiusq; populum evenerunt? Et quàm pulchrè incedit applicatio Calvinii, his concepta verbis: Postea adiungit Matthæus: dederunt in agrum figuli, sicut mihi Dominus præceperat. Hæc etiam pars optimè respondet vaticinio, quoniam certum est, non fuisse data opera vel consultò pecuniam illam locatam in agro emendo, ut Iudæi parerent mandato Dei.

H 3

Sed

Sed scimus, Deum exequi sua decreta per impios, etiamsi nihil tale aut velint aut cogitent. Quid autem Zacharias noster? proijce, inquit, ad figulum. NON dicit: AD AGRVM figuli. Sed exposuimus, quo sensu iubeat Deus triginta argenteos proijci ad figulum, nempe ut emanent lateres vel tegulae ad ruinas Templi obtegendas. Et hoc contemptum ac per ludibriũ dicitur. Sic etiam visibile huius rei symbolum fuit in emptione agri.

Hic te per Deum quaeso, Lector Christiane, ut, qua monebo, diligenter apud animum expendas tuum. Personatus ille figulus, qui tegulas & lateres emere fingitur ad instauratorem Templi, ignotus est Zachariae vaticinanti, ignotus etiam Evangelista Matthaeo interpretanti ista. Zacharias, teste Matthaeo, loquitur de figulo, vendente agrum Sacerdotibus, pro 30 argenteis, à Iuda in domum Domini

Domini proiectis. Hunc figulum reijcit Calvinus, & in eius locum substituit alterum suum larvatum, qui tegulas emat. Sic enim scribit impudentissimè: quid autem Zacharias noster? Projice, inquit, ad figulum. **NON** dicit **AD AGRVM** figuli (*audi, beatissime Evangelista, tibi in os obloquentem Calvinum*) sed exposuimus (*ait hic Aristarchus*) quo sensu iubeat Deus triginta argenteos proijci ad figulum: **NEMPE VT EMANTVLAR TERES VEL TEGVLÆ** ad ruinas templi obtegendas.

vbi hoc scriptum est, Calvin?

Et quia hic quoque circa mentionem figuli sui scribit Calvinus de visibili imagine, quam Deus extare voluerit; respondeat ipsius loco Pareus, qua in re Calvini figulus, tegulas emens ad reficiendum Templum, sit imago alterius illius, cuius Evangelista Matthæus meminit? Quid enim agro commune vel cum tegulis vel

H 4

cum.

cum templo? quia venditioni agrorum
 reparatione templi? Adhuc persona-
 tus ille Calvini figulus facit contra
 morem ceterorum figulorum. Figule
 enim non solent emere vel lateres vel
 tegulas, sed conficere & confectos dis-
 vendere. Hic verò, ex argilla & luto
 fictus & factus figulus Iudaicus, non
 conficit tegulas, ut vendat, sed emit
 illas, pro triginta argenteis. Aut num-
 putabimus, Calvinum voce figuli de-
 signare opificem à laterario diver-
 sum, ita ut figulus, qui alias circa ol-
 las, urceos & amphoras, & non circa
 lateres & tegulas occupatus erat, ive-
 rit ad laterarium, eiq; triginta argen-
 teos numerarit pro tegulis illis & late-
 ribus? Atqui hoc commento persona in-
 proscenium erit producenda nova, la-
 terarij videlicet, ut compleantur actus
 & scenæ huius fabulæ. Sed de hac cor-
 ruptela Calvinis satis.

Descendo ad ea, quæ in Palatio
 Pontificis & pratorio Pilati perpeſsus
 Domi-

*Dominus noster: puta quòd illus, 1111.
 contumelijs affectus, consputus & fla Vaticini-
 gellis casus est. Hec Esaias cap. 50. um Esa.
 perspicuo vaticinio complexus est: Do- 50.
 minus Deus aperuit mihi aurem. Ego
 autem non contradico, retrorsum non
 abij. Corpus meum dedi percutienti-
 bus, & genas meas vellentibus: faciem
 meam non averti ab increpantibus &
 conspuentibus in me. Dominus Deus
 auxiliator meus. Ideò non sum confu-
 sus. Ideo posui faciem meam ut pes-
 tram durissimam, & scio, quoniam
 non confundar. Ad hoc vaticinium
 absq; dubio respexit Dominus, cum ait,
 de filio hominis prædictum esse, fore, ut
 illudatur, contumelijs afficiatur, con-
 spuat & flagelletur. Hec autem Cal-
 vinus ad Esaiam ipsum, quàm ad
 Christum applicare maluit, scribens:
 simulatq; Esaias se mandato Dei ob-
 temperasse dicit, adiungit, etiam cor-
 pus suum percutientibus expositum
 fuisse. Ita mavult hîc quoq; cum Rab-
 binis*

binis ἰδὲ αἰῶν, quàm sentire & face-
re cum domesticis Ecclesia Scriptori-
bus.

IIII.

Vaticini-
um Psal-
mi octa-
vi de exi-
nanitio-
ne Chri-
sti tem-
poris pas-
sionis.

Ad passionem Domini Iesu prae-
nunciandam spectat etiam quintus &
sextus octavi Psalmi versiculus, de-
scribens nobis Christi ad mortem cru-
cis usque exinanitionem: Quid est ho-
mo, quòd memores eius, & filius ho-
minis, quòd visitas eum? Quia minui-
sti illum paulò minus ab angelis. Quo-
de sensu tantò minus ambigitur, quòd
quae sequitur Exaltationis descriptio
(Gloria & honore coronasti eum, con-
stitisti eum super operum manuum
tuarum, omnia subiiecisti sub pedibus
eius) per allegationem beatorum Apo-
stolorum in Christum liquidissimè con-
fertur 1. Cor. 15. Eph. 1. & Heb. 2. Un-
de precedens quoq; status exinanitio-
nis ei adscribatur necesse est. Estq;
Christus tempore passionis suae dimi-
nutus infra angelos, adeò, ut etiam
angelorum ope ad consolationem su-
eget in horto, Luc. 22. & in cruc.

cla

clamaret: Deus meus, Deus meus, quare me dereliquisti? Ideoq; Autor Epistolæ ad Hebræos cap. 2. hæc docet in Christi personam & passionem competere. Dicit enim: Non angelis subiecit orbem terræ futurum, de quo loquimur. Testatus est autem alicubi quidam, dicens: Quid est homo, quod memor es eius, aut filius hominis quod invisisti illum? fecisti illum paulisper inferiorem angelis &c. Et paucis interpositis: Eum verò qui paulisper diminutus fuerat infra angelos, cernimus Iesum gloria & honore coronatū.

Hanc Apostoli allegationem quanti æstimet Calvinus, apparet ex ipsius sive commentario sive commento super istum versiculum: Nam ut omit-
tam, quòd pro angelorum vocabulo substituit nomen Dei: certè hoc flagitium in æternum excusari nequit: quòd contra scopum Psalmistæ, contraq; allegationem Apostolicam Epistolæ ad Hebræos, audeat ad præstantis-
am

am hominum torquere, quod Aposto-
lus non ad præstantiam, sed imam exi-
nantionem, non hominum, tanquam
plurium, sed unius hominis Iesu Chri-
sti palàm refert.

Calvini glossema hoc est: ac pri-
mò quidem tot decoribus ornatos
(homines) esse dicit, ut eorum conditio
divina & cœlesti gloria non longè
sit inferior. Nimirum paululùm mi-
nui à Deo, Calvino est idem, quod non
longè esse inferiorem divina cœlestiq;
gloria. Quod de hominibus ex senten-
tia Calvini generatim intellectum, ut
ad scopum verborum Davidicorum
quadrat nihil, sic est per se etiam no-
toriè falsum & impium, nedum ut
sancto Propheta talis impingatur as-
sertio. Siquidem hominum conditio-
nem non longè esse divina inferio-
rem, nullus omnium Prophetarum con-
cesserit: qui potius tradunt, omnes ha-
bitatores terræ apud Deum ut nihilum
reputari Dan. 4. omnesq; gentes quasi

NON

NON SINT, sic esse coram eo, & quasi NIHILVM & inane reputatus esse, Esa. 40.

Eiusdem farinae sunt, quae nonnullis interiectis subiungit: In nodo, inquit, altero solvendo plus est difficultatis.

Nam cum hîc de præstantia HOMINVM differat Propheta, & dicat, EOS AD DEVM PROPE ACCEDERE: Apertus ille ad Christi exinanitionem TRAHIT. Primò videndum est, qui conveniat, quod de TOTO HUMANO GENERE dictum est, Christi personæ aptari.

Nota
verbum
TRA-
HIT.

Paulò post etiam canino dente arrodit Apostoli allegationem, scribens: Quod de brevi abiectiōe dein de tractat Apostolus, NON est exegeticum, sed κατ' ἐπεξεργασίαν ad suum institutum DEFLECTIT, quod ALIO SENSU dictum fuerat. Neque enim dubitavit Paulus hoc modo PER AMPLIFICATIONEM

NEM ornare Moſis verba, ubi dicit, quis aſcendet in cœlum &c. Non ergo tantum ſpectavit Apoſtolus, QUID DAVID SENSISSET, verum ad nomen diminutionis & decoris ALLVDENS, illum in morte Chriſti, hoc in reſurrectione conſtituit. Eodem ferè accedit expolitio illa Pauli ad Ephes. 4. b. 8. qua locum Pſalmi 68. d. 19. NON tam INTERPRETATUR, quàm pia DEFLEXIONE ad Chriſti Perſonam accommodat.

Hic verò ruſum ille Doct̃or Doct̃orum, nugatoriam ſuam & impiam, gloſſam præferre audet Apoſtolice declarationi, & quod Apoſtolus uni Chriſto accommodat, porrigere non veretur ad totum genus humanum: quod de exinanitione dixit Apoſtolus, geſtit Ariſtarchus noſter in contrarium planè ſenſum rapere & interpretari de præſtantia.

Conſiderent pie mentes, que tandem

dem reliqua mansura sit Scriptura sacra certitudo, si in investigando scriptorum Prophetarum sensu fuerit Calvinipotius standum iudicio, quàm Apostolorum? Si tum etiam, quando ex Prophetis aliquem Articulum fidei Christianæ fundare volunt Apostoli, putandi erunt non explicare Prophetas, sed illorum dicta κατ' ἐπεξήγησιν ad suum institutum DEFLECTERE, quæ tamen in Prophetis ALIO dicantur SENSU? Si in allegandis Prophetis PER AMPLIFICATIONEM ornare illorum verba putantur: Si non tantum spectant, quid Prophetæ senserint, sed quomodo interdum ad certas illorum voces ALLUDI possit: Si deniq. putandi sunt non tam interpretari Prophetarum verba, quàm ea per piam DEFLEXIONEM ad aliquid aliud accommodare? Sic enim non Iudæis tantum mille patebunt rimæ ad effugia: sed lata quoq. sternetur via ad invehendum orbem
Chris

Christiano sceleratas Epicuraorum opiniones, quibus, an aliqua sit Scriptura certitudo, disceptetur impiè, præsertim in hoc divortio sententiarum, quo ab Apostolis Propheta, & ab his rursus Apostoli, si Calvino fides habeatur, sensu deflectant & dissideant. Pòrrò quid de corruptela Psalmi 68. aspersa à Calvino, sentiendum sit; non hìc laboro, sed paulò post dispiciam.

VI.

Varicinium Psalmi 22.

Nullum extat varicinium de Passione Christi luculentius in toto veteri Testamento, quàm est Psalmus 22. Ex quo citra controversiam evicit Dominus apud Apostolos, oportuisse se ita pati. Scribitur enim non tantum ex Mose & Prophetis, sed etiam ex Psalmis testatum reddidisse, fuisse passionem illas à Deo sic decretas & prænunciatas Luc. 24.

Certè David Christum in cruce pendentem adeò graphicè depingit, ut vix Evangelistæ in narratione even-

tus agant de tantis rebus illustrius. Memoratur initio vox Domini Iesu, quam expressit eitentationum, terrorum & angustiarum infernalium sensus & magnitudo, cum iam ferè morti vicinus exclamat: Deus meus, Deus meus, quare me dereliquisti? qui primus est Psalmi huius versiculus. Exprimitur ipsius in cruce suspensi abiectissima facies; Ego autem vermis sum & non homo, Vermem se vocans, anei serpentis à ligno suspensi similitudine præfiguratum. Notatur extremus ipsius contemptus: factus sum opprobrium hominum & abiectio plebis. Omnes videntes me, deriserunt me; locuti sunt labijs, & moverunt caput. Recensentur voces Sacerdotum cæterorumq; hostium eius, quibus ei cum morte luctanti insultarunt acerbissimè: Speravit in Domino, eripiat eum, salvum faciat eum, si vult eum. Designatur ipsum genus supplicij, nempe crucifixio, in qua manus & pe-

I des

des clavis transverberari solebant, totumq; corpus alicuius sic expandebatur, ut omnia eius ossa numerari passent. De hoc ait in Psalmo Filius Dei: Foderunt manus meas, & pedes meos, dinumeraverunt omnia ossa mea. Imò divisionem illam vestium Christi, Propheta regius in Spiritu non velut eminus prædicit, sed quasi cominus intuetur. Ideoq; Messiam introducit de his ita conquerentem: Ipsi consideraverunt & aspexerunt me (scilicet in cruce pendentem) diviserunt sibi vestimenta mea, & super vestem meam miserunt sortem. Quam scripturam Mattheus & Iohannes tum impletam asserunt, cum milites, qui crucifixerant Dominum Iesum, vestimenta eius inter se partiti sunt, & super tunicam inconsutilem eius sortem nefariè miserunt. Autor etiam Epistola ad Hebræos Psalmi huiusce versiculum 23. (narrabo nomen tuum fratribus meis: in medio Ecclesie laudabo te) citra

citra cunctationem enarrat de Christo, hoc modo: Qui sanctificat & qui sanctificantur, ex uno sunt omnes. Quam ob causam non erubescit fratres illos vocare, dicens: Annunciabo nomen tuum fratribus meis, in medio Ecclesie laudabo te.

*Debat igitur ex allatis tot argumentis apud omnes Christianos extra controversiam esse positum, Psalmum istum non aliò spectare, quàm ad predicandam passionem, crucifixionem & mortem Messie. At verò Calvinus his omnib. superbissimè spre-
tis, propriè de Davide, non de Christo exponit, & postea demum, cum imam basin vaticinij lubricis suis ac tropicis elusionibus concussit, παρρησιας refert ad Christum, sacrosancti oraculi veritatem hostibus deploratissimis Domini nostri Iesu Christi, Iudeis, ita prodens, sic ἐλεγκτικῶς huius Psalmi δὲ ἀπαμεινῶνans, ut nobis Christianis, ad Iudeos refellendos, tantisper*

usui esse nequeat, donec Calviniper
versiones ex Ecclesia agro proscriptæ,
& ad primum illarum autorem rele-
gate fuerint.

Attendamus queso, ut torqueat
se se, & in gyros convolvat coluber
iste. Versiculo: Foderunt manus meas,
& pedes meos, dinumeraverunt o-
mnia ossa mea; hoc assuit glossema: Si
Davidem obijciant nunquam fuisse
cruci affixum, facilis solutio est, ME-
TAPHORICE conquestum es-
se, non secus se astringi ab hostibus,
quàm qui perfossis manibus & pedi-
bus ad lignum affigitur: quales eti-
am, inquit, METAPHORÆ
paulò post occurrent. Ad versiculum:
Diviserunt sibi vestimenta mea &
super vestem meam miserunt sortem,
hæc alludere ei visum est: Quod pro-
ximo versu de vestibus sequitur,
TRANSLATIVUM est.
Perinde enim ac si dixisset, fortunas
omnes suas in prædam esse expositas,
ut

Apagelis
cum tua
Meta-
phora.

ut solent victores vel spolia dividere,
vel inter sese sortiri, quod cuique ob-
tingat.

Hoc *cine* *verò* *humanum* *factum*
aut *inceptum?* *hoccine* *officium* *Chri-*
stiani *interpretus?* *audere* *scilicet* *sanc-*
torum *Evangelistarum* *&* *Apostolo-*
rum *explicationem* *ocioso* *animo* *ne-*
gligere, *&* *effingere* *talem,* *quam* *iur-*
es *à* *cæcis* *Iudæorum* *Rabbinis* *in* *odi-*
um *crucifixi* *nuper* *excogitatam,* *ad*
debilitandum *robur* *tam* *invicti* *testi-*
monij, *ne* *posthac* *eius* *impetum* *refor-*
midare *ausint.* *Summa,* *quicquid* *di-*
cant *Evangelistæ,* *ipse* *suam* *Meta-*
phoram *sensui* *Davidis* *congruentio-*
rem *statuit,* *quàm* *Evangelistarum*
interpretationem. *De* *illorum* *igitur*
allegatis *sic* *censet* ; *Locus* *tamen,*
quem *adducunt* *(Evangelistæ)* *ex* Calvin⁹
Psal. *22.* *videtur* *INTEMPESTI-* *super* *19.*
VE *ad* *præsentem* *causam* *TRAHI,* *cap.* *Io-*
Nam *cum* *illic* *queratur* *DAVID,* *hannis.*
se *hostibus* *prædæ* *fuisse,* *META-*
I 3 *PHO.*

PHORICE sub nomine vestium
sua omnia designat, ac si uno verbo
dixisset, spoliatum se ac nudatum ab
improbis fuisse. Quam figuram dum
NEGLEGUNT Evangelistæ, à
NATIVO sensu DISCEDUNT.

*Nolo multis exaggerare hominis
extremam impietatem cum intolera-
bili fastu coniunctam, quo sese supra
sanctissimos Dei servos, Evangelistas
& Apostolos, quasi illorum Censor ef-
ferre, suarumq; metaphoricarum ar-
gutiarum nebulis, Soli veritatis ater-
nam noctem offundere nihil extime-
scit.*

*Apertè dicam quod sentio, si Psal-
mus hic nativo suo & ad textum con-
gruente sensu miserias Davidis enar-
rat, ad Christum verò non nisi per ana-
logiam typi refertur, quatenus ut (Cal-
vinus ait) eorum, quæ adumbrata
sunt in Davide, visibile complemen-
tum cœlestis Pater in persona filij sui
extare voluit: actum est de propugna-
culo Christianorum omnium firmissi-*

mo, quo hactenus demonstratum contra Iudeos est, Davidem hoc toto Psalmo non de se, sed de Messia passionibus in Spiritu vaticinari. Arripient ergo posthac Iudei sensum, quem Calvinus nativum nominat: ad alterum verò de Christo, tanquam *improprium & à genuino sensu deflexum* astringi nullis argumentis poterunt, praesertim si audiant, Evangelistas ipsos in nostris Ecclesiis hoc nomine perstringi, quòd neglecta Prophetæ Davidis figura à nativo sensu deflectant. Tu, Parae mi, experire, quid hinc respondeas. Interim ad alia progredior.

Elegans extat Prophetia Esa. 63. de passione Domini: Ibi namq. sub forma Dialogismi Prophetæ in Spiritu cum Christo sermocinatur; Quis, inquit, est isle, qui venit de Edom, tinctis vestibus de Bosra, iste formosus in stola sua, gradiens in multitudine fortitudinis sue? (Respondet Filius Dei) Ego, qui loquor Iustitiam, & propu-

I 4 gnater

V I.
Vaticini-
um Esa.
63.

gnator sum ad salvandum. (Querit Propheta) Quare ergo rubrum est indumentum tuum, & vestimenta tua sicut calcantium in torculari? (Respondet Messias) Torcular calcavi solus, & de gentibus non est Vir mecum; Calcavi eos in furore meo, & conculecavi eos in ira mea, & aspersus est sanguis eorum super vestimenta mea, & omnia indumenta mea inquinavi.

Hec non tantum pii interpretes sed ipse Iohannes in Apocalypsi manifestissime refert ad Christum. Introducitur enim capite 19. Apocal. 19, cuius nomen est λόγος Dei, vestitus **VESTE TINCTA SANGVINE**, è cuius ore procedit gladius ex utraque parte acutus, ut eo **PERCVTIAT GENTES**. Et ipse, inquit Apocalypsis, reget eas virga ferrea, & ipse **CALCAT TORCVLAR** vini furoris & ira Dei omnipotentis. Palàm est, quòd veste sanguine conspersa cernitur indutus, quodq; torcular ire Dei calcare meino-

memoratur, non aliundè quàm ex hac Prophetia capitis 63. Esaia peti- tum esse.

His autem è conspectu longissimè semotis, Calvinus super Esaia verba longè secus scriptitat, nimirum: Hoc caput VIOLENTER TOR- SERVNT Christiani, quasi ad Chris- tum hæc pertinerent: cum prophe- ta simpliciter de ipso DEO pronun- ciet: atq; FINXERVNT hîc rubicundum Christum, quod sangui- ne proprio madidus esset, quem in cauce fuderit. Atqui NIHIL tale vult Propheta. Porro id quod de calca- to torculari proponit Esaias, idq; Apo- calypsis adscribit Filio Dei, Calvinus ait RIDICVLVM esse referre ad Christum: hoc pacto non tantum irridens Christianos, sed per illorum interpretatus ipsius Iohannis auctoritatem lu- dibrijs exponens.

Calvinus
manife-
stus irri-
for Chri-
stianorū
interpre-
tum.

Pari impietate reprobatur eorum sententiam, qui verba Esa. 43. cen-

VII. sent esse testimonium de fructu passionis Christi. Audiamus ipsum mei locum Esai. 43. *quentem Dominum : Servire me fecisti in peccatis tuis, laborare fecisti me in iniquitatibus tuis. Ego, Ego sum, qui deleo peccata tua PROPTER ME, & peccatorum tuorum non recordabor. Hic ante omnia observes velim loquentem introduci eum, PROPTER QUEM peccata nostra delentur. Propter solum autem Christum delentur peccata, universa scriptura teste. His indubitato præsuppositis, quaritur, ecquis ille sit labor, quæ servitus, cuius obtutu nobis obtingat peccatorum venia? Expedita responsio assignatur in ipsis verbis Domini. Servitus est ea, qua servivit in peccatis nostris, laboris, quo laboravit in iniquitatibus nostris. Quando servitutem istam subiit, & laborem illum exantlavit? Hoc explicat idem hic Propheta cap. 53. ubi de passione Christi commentans ait : Vulneratus est propter iniquitates*

tes nostras, attritus est propter scelera nostra. Et paulò post : Pro eo quod LABORAVIT anima eius, videbit & saturabitur. Infinitum foret, huc omnia referre, quæ cumulatè probant, tunc servivisse & laborasse Christum in peccatis nostris, quando servi forma sumpta Patri obediens factus est ad mortem usq; crucis, venitq; non ut sibi ministrareretur, sed ut ipse ministraret, daretq; animam suam redemptionem pro multis. Ergò simplicissima sententia est, Christum servitute suæ exinanitionis & obedientiæ, laboreq; passionum, crucis & mortis impetrâsse, ut propter ipsum peccata nostra deleantur oblivione sempiterna.

Calvinus ex professo sese huic sententiæ opponens, scribit : Qui hunc locum de Christo exponunt, sensum Prophetæ TORQVENT. Quare simplicior MIHI videtur hæc interpretatio. Conqueritur enim Dominus, quòd homines eum peccatis suis

Rursum
sua sce-
lerata
metapho-
ra per-
vertit
Scriptu-
ras.

suis molestum onus subire coëgerint, qui tamen reverenter se ei subiicere debuissent. Nam cum insurgimus ad-
versus DEVM, eum quasi servum protervia & petulantia nostra reddimus. Hoc autem melius exponit, cum ait, se laborasse, id est, varia tædia devorasse ob nequitiam populi sui. Ipsum enim quodammodo vulneramus & configimus, ut inquit Prophetæ, cum respuimus ipsius vocem, neq; ab eo regi nos patimur. Alludere autem videtur ad id quod prius dixerat de tædio vel molestia populi in colendo Deo. Nam ex adverso testatur Deus, multas sibi à populo molestias exhibitas fuisse.

Temeritas erat, absq; causa discedere à communi sententia, suis rationum columnis firmissimè constabilita. Audacie non excusanda est, Doctores alios rectius interpretantes scripturas, inciviliter adeò reprehendere; rejicere illorum veras & textui maximè pro-

propriis explicationes: supponere verò
notas, adulterinas, contortas, & à
genuino sensu textus δις διὰ πασῶν
discrepantes.

Deniq; excutiendum venit præcla- VIII.
rum illud vaticinium de fructu passi- Vatici.
onis & effusionis sanguinis Christi, nium Za.
quod Zacharia 9. his refertur: Tu char. 9.
quoq; in sanguine testamenti tui emi-
sisti vinctos tuos de lacu, in quo non
est aqua. Quæ immediatè precedunt
(Ecce rex tuus veniet tibi iustus, &
Salvator: ipse pauper & ascendens
super asinam & super pullum filium
asinae) Matthæus in Christo dicit esse
completa. Quæ coherent (dispergam
quadrigam ex Ephraim, & equum de
Ierusalem, & dissipabitur arcus belli,
& loquetur pacem gentibus, & pote-
tas eius à mari usque ad mare, & à
luminibus usq; ad fines terræ) non ob-
scure sonant de pace spiritali, quæ
per prædicationem Evangelij exoritu-
ra erat, tum de amplitudine regni
Christi

*Christi, eundem planè in modum, quo
& Psalmus 72. regni Messia amplitu-
dinem totidem penè verbis exponit.
His nunc immediatè subiungitur: Tu
quoq; in sanguine Testamenti tui emi-
sisti vinctos tuos de lacu, in quo non
est aqua.*

*Itaque coherencia textus, ipsiusq;
materia, qua de agitur, conditio &
circumstantia poterant edocere Cal-
vinum, Zachariam predicare benefi-
cium Messia, quòd sanguine SVI fœ-
deris, fœderis videlicet ac testamenti
NOVI, emittat vinctos suos, creden-
tes in ipsum, è lacu infernali liberet à
peccatos damnatione & inferno. Dis-
plicent hæc & sordent Calvinò. Is itaq;
pro sua sapientia sic exponit: Latini
& Græci fuerunt decepti ambigua
loquendi forma, & putarunt hæc ver-
ba dirigi ad Christum, quasi eduxerit
vinctos suos è puteo profundo. Sed
DEVS ECCLESIAM suam
alloquitur: quasi diceret; Heus tu,
Et*

Et particula **¶** emphatica est, quasi diceret: video non multum me proficere apud vos, quia estis quodammodo attoniti malis vestris: deinde nulla spes vos recreat, quoniam putatis vos esse quasi centum mortibus obrutus. Ergo utcunq; hæc congeries malorum vel exanimet, vel saltem ita oppressos teneat, ut efficacia sua careat quod dico, quamvis deniq; sitis omnium miserrimi, tamen redimam vivos vestros. Sed sub victoris persona Deus totam Ecclesiam compellat, ut diximus alijs locis. Dicit: in sanguine fœderis tui. Non videtur hoc competere in Ecclesiam? Neque enim alius quærendus fuit author fœderis, quam **DEVS** ipse. Sed mutua est, ut scimus, relatio inter Deum & populum, ubi de fœdere agitur. Fœdus est **DEI**, quoniam ab ipso manat: fœdus est Ecclesiæ, quoniam in gratiam Ecclesiæ percutitur, & quasi deponitur in eius sinu. Videmus ergo, quàm cōgruen.

gruenter loquatur Propheta, ubi dicit: Sanguinem fœderis Ecclesiæ non fore vanum. Et hæc doctrina melius penetravit in animos piorum, cum audirent, non modò divinum esse fœdus, sed etiam ipsius populi. Tur ergò in sanguine fœderis tui: Quidā ad circumcissionem hoc torquent, sed insulsè: quia non dubium est, Prophetam respicere ad sacrificia. Perinde est igitur, ac si diceret: Quorsum imolatis quotidie victimas in Templo? Si putatis hoc modo colī DEVM, certè nimis crassa est, vel delira superstitio. Ergo mentes revocate ad ipsum finem, vel ad cœleste exemplar: quoniam Deus semel pollicitus est, se vobis fore propitium, dum expiabit unico sacrificio peccata vestra. In hunc etiam finem offertis sacrificia, & sanguis secum trahit expiationem. Nunc si sacrificia vestra neq̃ frustrā instituit Deus, neq̃ enim se reconciliat Deus hominibus, ut vel eos perdat ac redigat

gat in nihilum, vel ut sinat eos tabescere in morte ipsa. Quorum enim Deus ignosceret hominibus, nisi ut eos redimat ab interitu? Nunc ergo tenemus, cur ita ratiocinetur Prophetæ, à sanguine fœderis ad salutem totius populi. Vos ergò quotidie offeritis vîctimas, inquit, & sanguis funditur in altari. Hoc Deus noluit frustrâ fieri.

Quæ de Christo dicuntur ad Ecclesiam refert. Sanguinis vocem ad sacrificiorum sanguinem refert, qui in altari fundebatur: fœderis nomen ad antiquum illud fœdus, in quo Leviticorum sacrificiorû ritus agitabantur. Christi verò sanguinem (quem ex professo notat Zacharias) Calvinus parcè admodum attingit: & omnino reprehendit Latinos & Græcos interpretes, qui verba Prophetæ statuunt ad Christum dirigi.

Patet igitur ex hac enumeratio. ne, quàm pauca vaticinia de passione & morte Christi sonantia nobis inte-

gra & incorrupta relinquat Calvinus, haud aliter, ac si Propheta de hoc primario capite doctrinae caelestis, in quo salutis summa reposita est, vix unquam ex professo scripserint aut egerint, sed ferè typos tantùm tractarint, aut genuino verborum sensu ad Davidem aut quemvis alium, anagogico verò & improprio, aut (ut Calvinus loquitur) subtilius deflexo sensu non nisi obiter & παρέρως & quasi aliud agendo ad Christum leviusculè respexerint.

Sequuntur vaticinia de resurrectione Christi.

EXaminemus verò etiam vaticinia Prophetarum de gloriosa resurrectione Christi ex mortuis. Est verò primarium hoc, quod Psalmo 16. legitur. Et de Christo ibi loqui Psalmistam, eò minori negotio probatur, quòd in Novo Testamento sancti Apostoli sic interpretati sunt. Divus Petrus quidem Actor. 2. hoc pacto: Providebam Dominum coram me semper, quia à dextris est mihi, ne commovear. Propter

I.
Vat. cini-
um¹ Ps.
16.

pter hoc latatum est cor meum, & exultavit lingua mea: Insuper & caro mea requiescit in spe. Quoniam non derelinques animam meam in inferno, nec sines, ut sanctus tuus videat corruptionem. Notas mihi fecisti vias vitæ, replebis me iucunditate cum facie tua. Hactenus verba Psalmi citata à Petro. Nunc audiamus accommodationem eius: Viri fratres, quandoquidem liceat liberè dicere apud vos de Patriarcha Davide, quod & defunctus est, & sepultus est, & sepulchrum eius est apud nos, usque in hodiernum diem. Propheta igitur cum esset, & scriberet, quod iureiurando iurasset sibi DEVS, futurum, ut de fructu lumbi ipsius, quantum ad carnem, Christus exoriretur, ac sederet super sedem eius; præsciens locutus est DE RESURRECTIONE CHRISTI, quod non derelicta sit in inferno anima eius, neque caro eius viderit corruptionem.

K 2 Non

Fidelia,
id est,
quæ Da-
vidi de
Messia
sancté
promisit
Deus,

Non minus evidenter exponit hæc Apostolus Paulus Act. 13. Probaturus enim Iudeis resurrectionem Christi ex mortuis ait: Quod autem suscitavit eum (DEVS) à mortuis, iam non amplius reversurum in corruptionem, ita dixit: Dabo vobis David fidelia. Ideò & aliàs dicit: Non permittes, ut sanctus tuus videat corruptionem. Nam David quidem cum suæ ætati inservisset consilio DEI, dormivit & appositus est ad Patres suos, VIDITQUE CORRUPTIONE M. At is, quem DEVS suscitavit, non vidit corruptionem.

Hic notetur quòd Apostoli diserte confirmant, Davidem, PROPHETA cum esset, PRÆSCIVM locutum esse de resurrectione Christi. Deinde quòd uterq; Apostolus testatur, Davidem ibi non de se locutum, ut qui viderit corruptionem, sed vaticinatum esse de quodam, qui iuxta tenorem huius oraculi corruptionem videre

dere non debuerit, qui sit Christus. Hæc ita sunt perspicua, ut eorum lucem hæc quidem Stropharum omnium Father Diabolus omni sua infernali Sophistica obnubilare valeat. Et debet meritò nobis unanime hoc testimonium duorum maximè insignium Apostolorum esse sacrosanctum. Proinde si Calvinus esset DEI servus, ut ipsum prædicant eius discipuli: nunquam in animum duxisset vel tantillum ab unico hoc simpliciq. sensu, quem Apostoli prodiderunt, deflectere. At is persuadere conatur suis hominibus, Davidem de se esse locutum, quòd tamen Petrus & Paulus pleno spiritu refellunt. Verba illius recognoscamus: Porro notandum est, DAVIDEM non de certa aliqua specie liberationis restrictè loqui (quemadmodum Psalmo 49. v. 16, redemit DEVS animam meam è manu sepulcri & alijs similibus) sed æternæ salutis fiduciam certò concipere, quæ anxietate & metu

Rursus
flagiti-

sa sua
metapho-
ra deprava-
vat scri-
pturam.

E V M liberet, ac si dixisset, paratum
sibi semper fore exitum ē sepulcro,
ne in corruptione maneret. Nam
D E V S suos ab aliquo discrimine li-
berans, non nisi ad breve tempus vi-
tam illis prōrogat. Quantula verò &
quam ieiuna consolatio hæc esset, pau-
lisper respirare, donec mors tandem
sine spe salutis nos absorbeat? Hinc
sequitur, D A V I D E M fuisse ita
locutum, eò quòd S E extolleret su-
pra communem generis humani sor-
tem. *Hac ille-*

*Vides, quàm tortuoso reflexu &
serpentinis gyris hic Spiritus tenebra-
rum sese torqueat, ne plenam hanc
laudem Christo concedere cogatur, de
ipso hunc Psalmum esse conscriptum.
Maluit ergo trahere ad Davidem, re-
clamantibus Petro & Paulo, & argu-
mento insuper inexpugnabili com-
monstrantibus, Davidem nihil ibi de
se, sed in solidum de Christo, eiusq; re-
surrectione disseruisse.*

Vides

Vides etiam, quomodo vocem sepulcri torqueat, eamq; pro more suo metaphoricè capiat, quam Apostoli in nativo significatu, de sepulcro Christi propriè sic dicto accipiendam monent.

Vides audacissimè contendentem, verbis istis (Non relinques animam meam in inferno, nec dabis sanctum tuum videre corruptionem) non de certa aliqua specie liberationis restrictè agi: At Paulus & Petrus dicunt, agi restrictissimè non modo de certa quadam speciali, sed planè specialissima liberatione Messiae ex sepulcro & à corruptione.

Postquam ergò Calvinus omne robur infregit prædictionis Davidicæ, ut & Concionum Apostolicarum, quæ ipsa vaticinijs litera nituntur; tandem aliquid attexit de Apostolorum allegatis, sed nervo iam inciso, dicens: Quod autem Petrus Act. 2. v. 30. & Paulus 13. v. 33. IN SOLA eius (Christi) persona impletum
K 4 *fuisse*

Nota
verbum,
conten-
dunt,

fuisse hoc vaticinium **CONTEN-**
DUNT; sic accipe, ipsum à sepul-
cri corruptione fuisse prorsus & soli-
dè exemptum, ut membra sua gradat-
tim & pro cuiusq; mensura in societate
suam vocet.

*Non potest negare, Paulum & Pe-
trum asserere, in SOLA Christi per-
sona vaticinium adimpletum. Hoc si
ita est, cur igitur ipse in Davidis per-
sonam confert? cur metaphoricæ ex-
positiones audacter adeò confingit? cur
Iudeis valvas & fenestras effugio-
rum aperit, ut vaticinio Prophetico
ab uno simplici sensu, quem Apostoli
tenent, deturbato, & in plures sensus
diviso, teneri iam una quadam certa,
constantī & immota expositione non
possint: si Calvinum sinamus presti-
gijs suis ludificari homines?*

II.

Vaticini-
um de
Resurre-

*Porro gloriosam Domini resurre-
ctionem unā cum eius fructu prænun-
ciavit etiam Micheas cap. 2. Ascen-
det perruptor ante eos, & perrumpent,
& gra-*

& gradientur per Portam, & egredientur per eam, & ibit Rex eorum ante eos, & Dominus in principio eorum.

ditiones
Christi,
Mich. 2.

Sensus simplicissimus est hic: Christus perumpet per passionem, mortem, infernum, & sepulcrum, & cælos penetrabit, & impetrabit fidelibus suis, ut virtute resurrectionis sue perumpant & ipsi, Domino præeunte illos, (ut qui in omnibus primatum tenet, adeoq; primitia ex mortuis nominatur) ipsis verò vestigia huius sui præcursoris atq; Ducis per mortem & sepulcrum in vitam æternam usq; subsequantibus.

Calvinus longè altiores habet meditationes, quàm ut hæc ei piscatorie probetur simplicitas. Itaque ad istum versiculum, ut & immediatè præcedentem, sic magistraliter annotat: Maior pars interpretum huc inclinat, quod DEVS hîc promittat levationem aliquam Israëlitis, postquam duriter eos obiurgaverat, & minatus

etiam fuerat extrema. Referunt igitur hunc locum ad regnum Christi, quasi DEVS spem faciat futuræ restitutionis. Sed dum omnia propius expendo, cogor potius interpretari etiam duos istos versus comminatoriè, quod scilicet Propheta hic denunciet futuram DEI vindictam populo.

Dehinc seorsim præsentem hunc versiculum ita macerat. Ascendet effractor coram ipsis, hoc est, ducetur tumultuariè, & frangenda etiam erit porta, ut simul exeant, quia non esset satis amplius transitus ille, si vellet ordine egredi, quemadmodum fieri solet: sed portæ urbium frangentur, ut turmatim transcant magno numero. His verbis significat Propheta, celeriter omnes abripiendos esse in exilium. Et egredientur, inquit, per portam, & Rex ipsorum transibit coram ipsis. Significat hoc loco Propheta, Regem captivum fore, quod fuit

Regem
præcedentem
illos nominat.

fuit tristissimum spectaculum. Nam Prophe-
 spes aliqua restabat, si tantum abducta ta Icho-
 fuisset fex populi in Chaldaeam. Sed vam. Cal
 ubi Rex ipse vinculus trahitur & con: vinus
 iicitur in carcerem, oculis effosis, & verò vo-
 iugulatis filiis, hoc est miserrimum, cabulum
 Solebant autem superbire Rege suo, Regis
 quia putabant fieri non posse, quin trahit
 regnum illud perpetuum maneret, ad capti-
 quandoquidem DEVS sic pollicis- vum re-
 tus fuerat. Sed potuit DEVS ad gem Se,
 tempus regnum illud evertere, ut po, dechi -
 stea de integro erigeret, quemadmo- am.
 dum contigit in persona Christi, &
 quemadmodum etiam prædictum fuit
 à Prophetis: Transversa sit cidaris,
 transversa, transversa, donec veniat
 legitimus eius possessor. Videmus
 ergò hoc fuisse additum amplificandi
 causa: quod exprimit Propheta de
 rege ipsorum. Postea addit: Iehova
 erit in capite eorum, id est, instabit
 eorum cervicibus, ut eos opprimat
 & obruat penitus. Quidam subaudi-
 unt

unt aliquid, quod olim Iehova solitus fuisset iplos regere, nunc autem desierit. Sed illud est nimis coactum. Sensus autem, quem retuli, benè fluit, quod scilicet DEVS ipse erit exactor, cum trahentur in exilium & tyrannis atq; eorum satellitibus addet animum, incumbens maledicto populo, ut eius calamitates magis ac magis urgeat & aggravet, sicq; ostendat, istam cladem accidere iusto suo iudicio. Nunc ergo tenemus verum Prophetæ sensum.

Ita vides, optime Lector, quod Dominus ut beneficium promittit, id à Calvino explicari de pœna; quod ad captivitatem Babyloniam: quod de Rege Iehova perumpente & precedente suos Prophetam memorat, torqueri ad impium & periurum Regem Sedechiam: sicq; commentationes eius à mente Prophetæ, Ecclesiæq; catholice sensu penitus abhorrere.

Nequaquam silentio prætereunda est

est corruptela eius in depravando Osee III.
 vaticinio. Qui de fructu resurrectionis Christi capite sexto libri sui disse-
 rens ita loquitur: Vivificabit nos post biduum, die tertio suscitabit nos, & vivemus in conspectu eius. Hic viden-
 dum, ecquid afferat Calvinus. Ait: Solet hic locus exponi de Christo, quod post biduum & die tertio suscitabit DEVS Ecclesiam suam, quia scimus Christum non sibi privatim resurrexisse, sed suis membris. Est enim primitiæ resurgentium. Videtur ergo hic sensus non malè quadrare, quod Propheta hic erigat fideles in spem salutis, quia DEVS excitabit filium suum primogenitum, cuius resurrectio communis erit totius Ecclesiae vita. Sed sensus ille videtur M^{axime} nimium argutus. Et semper hoc spectandum est nobis, ne volitemus in aëre: placent argutæ speculationes primo intuitu, sed postea evanescunt. Ergo quisquis volet proficere in Scri-
 bus.

Vaticini-
um de
Resurre-
ctione
Christi
Ose. 6.

At tu quæ
maximè
cupis in
aëre voli-
tare, teq;
argutis ob-
lectare spe-
culationi-
bus.

pturis, semper hanc regulam teneat
ut solidum sit, quicquid colligit siue
in Prophetis siue in Apostolis.

*Scilicet hic Doctor pro sua, quam
in Calvinisticis Ecclesiis gerit, dicta-
tura, regulas prescribit alijs, quas ipse
ne minimo quidem attingit digito.
Soliditatem exigit observari ab in-
terpretibus: ipse vero primus est, qui
qua Apostolorum & Evangelistarum
allegatione solidissimè fundari & a-
dificari poterant, ea strophis, lubricis
suis, corruptelis & prestigijs infirmat,
labefactat, diruit & evertit. Itaq; non
omne solidum putandum est, quod
Calvinus colligit, siue in Prophetis si-
ue in Apostolis, multa in eius scriptis
nugatoria, coacta, infirma, lubrica, in-
flexa, perplexa, intricata, peregrina
à mente Spiritus sancti, ab Apostolo-
rum explicatione dissona, nec reliquo-
rum Doctorum Ecclesie (qui & ipsi
DEI spiritum habent) approbata cal-
culo sed nuper in Calvini fumoso ce-
rebro concepta & nata.*

Sed

Sed neque alterum Osee Prophetae vaticinium reticendum fuerit, quod non minus atq. prius pro ingenio & spiritu suo corrumpit Calvinus. Oseas ostensurus salutarem fructum Resurrectionis Domini, hac loquenti Christo verba attribuit: De manu mortis liberabo eos, de morte redimam eos: ero mors tua, o mors, morsus tuus ero, inferne. Quo dicto Paulus ipse beneficia Dominica resurrectionis comprehendendi docet. 1. Cor. 15. scribens: cum autem corruptibile hoc induerit incorruptibilitatem, & mortale hoc induerit immortalitatem: tunc fiet sermo, qui scriptus est: Absorpta est mors in victoriam; ubi tuus, mors, aculeus? ubi tua, inferne, victoria?

Si sermonem illum, quem Paulus ait scriptum esse, (nimirum in scriptura veteris Testamenti) quaeramus apud Prophetas, tunc illud quidem (absorpta est mors in victoriam) deprehendimus extare Esa. 25. Ad hoc po-
terius

IIII.
 Vaticini-
 um de
 Resurre-
 ctione
 Christi.
 Ose. 13.

sterius autem (ubi tuus, ô mors, aculeus, ubi tua, inferne, victoria?) nullus locus in scriptura Prophetica propius accedit, quam Osee verba. Vtrobique fit mentio mortis & inferni, utrobique meminit Spiritus sanctus liberationis à morte & inferno, utrobique insultatur morti, insultatur inferno, & exterminium eis ceu triumphali cantico denunciatur. Itaque Paulum huc ad Osee locum allegatione sua respexisse tantisper affirmabimus, donec quis aliam scripturam ostenderit, in qua verbum seu encomium illud triumphale dilucidius descriptum extet. Omnino enim asserit Paulus: sermonem istum esse scriptum, puta in scriptura Veteris Testamenti.

Dici autem non potest, quam virulenter exagitet, quam acerbè rideat Christianorum interpretationem Calvinus. Ait: Quod vertit quidam, Ero perditio tua ad mortem, ac si sermo fieret ad populum, insulsè totum locum

locum depravat, & utilissimam doctrinam nobis eripit. Quia autem PVTABANT multi Interpretes, hunc locum citari à Paulo, simul etiam exposuerunt de Christo, quicquid hîc dicitur, ac M V L T I S M O D I S E R R A R V N T. Primò dixerunt, D E V M hic redemptionem promittere absq; ulla conditione: Videmus autem longè diversum fuisse Prophetæ consilium. Postea sumserunt in personâ Christi, De manu sepulcri redimam eos. Quanquam infernum etiam nimis A R G V T E putarunt vocari tormenta, quibus cruciantur reprobi, vel locum ipsum tormentis destinatum. Sed Prophetâ varijs verbis idem repetit, & nota est satis illa phrasis Hebraica. Sepulcrum ergò hîc non differt à morte: quam Hieronymus hîc laborat & contendit, longè aliud esse sepulcrum, quàm mortem; Sed illud totum est N V G A T O R I V M. Decepti igitur

tur fuerunt in istis vocibus. Deinde cum dicit Propheta: Ero excisio tua, inferne, (vel sepulcrum) posuerunt nomen Morsus, & allegoricè exposuerunt, Christum fuisse instar hami. Quemadmodum ergò vermis si hamo aptatur, cum voratur à pisce, est illi interitus, ita etiam Christum dixerunt, cum depositus fuit in sepulcrū, fuisse morsum lethiferum : quia sicuti hamo capiuntur pisces, ita mors inescata fuerit morte Christi. Et ARGVTIÆ illæ magno plausu acceptæ fuerunt, ideò in toto Papatu sine controversia hoc pro oraculo viget, quòd Christus fuerit morsus mortis. Sed interea si quis propiùs Prophetæ verba expendat, videbit illos INSCUTE ET TVRPITER abusus fuisse Prophetæ testimonio. Atqui nobis summoperè studendum est, ut maneat vera & certa Scripturæ intelligentia. Iam videndum est quid respondēbimus, cum tamen VIDEA-
TVR

TVR Paulus citare hunc locum. Solutio facilis est. Neq; enim ex professo semper locos adducunt Apostoli, qui toto contextu ad institutum, quod tractant, pertineant: Sed interdum alludunt ad unum verbum duntaxat: aliquando aptant locum ad sententiam per similitudinem, aliquando adhibent testimonia. Vbi Apostoli utuntur Scripturæ testimonijs, illic quærenda est simplex & genuina veritas: ubi autem verbum unum duntaxat perstringunt, non est tam anxie laborandum: ubi etiam per similitudinem designant aliquem Scripturæ locum, est illa etiam nimis scrupulosa anxietas, quærere quomodo singulæ partes conveniant. Atqui satis constat, Paulum illo 15. cap. 1. ad Corinth. non citasse Prophetæ testimonium ad confirmandam illam doctrinam, de qua differit. Quid igitur? Quia resurrectio carnis est valde difficilis creditu, imò abhorret prorsus à sensu naturæ,

At tu, cum Apostoli Scripturæ testimonijs utuntur, & genuinum sensum enarrant, nihilominus reiectis ipso- rum sacro- sanctis expositionibus tuas obtrudis quisquiliis, & prætoriam potestate imperas, quis sensus proge- nuino habendus, qui secus.

Hic con-
cedit,
Paulum
citare
Prophe-
tam.
Supra ex
agitavit
interpre-
tes, quod
PVTA-
RINT,
hunc Pro-
phetæ lo-
cum ci-
tari à
Paulo.

turæ, ideò Paulus dicit, non mirum
esse, si Christus venturus sit ad nos
excitandos. Quare? Nam proprium
DEI munus est, esse interitum mora-
tis, & esse exitium sepulcri, ac si dice-
ret. Etiam si millies computruerint
homines, DEVSTamen non amisit
virtutem illam, quam prædicat, quòd
scilicet sit excidium mortis & interis-
tus sepulcri.

*Nimirum agit Calvinus pro suo
more, ut Interpretes alios superbissimè
contemnat & ex alto sententias illo-
rum aspernetur. Supponat verò ipse
contrarias & perplexas, & in eluden-
dis Novi Testamenti allegatis & ex-
plicationibus, miris utatur verborum
involucris, band aliter atq; serpens,
convolvens sese, caput simul & cau-
dam abdere solet. De Interpretibus
ait, PVTASSE illos, hunc locum citari
à Paulo. Postea concedit allegari qui-
dem ab Apostolo Prophetæ verba, sed
NON AD CONFIRMANDAM
illam*

illam doctrinam, de qua differit, sed tantum ut ostendat, DEVM non amisisse virtutem illam, quod sit excidium mortis & interitus sepulcri sed adhuc ea praditum esse. Quam belle igitur sibi constat Censor? At Paulus in praemisso quidem ibi tractatu de potentia DEI disseruerat. Nunc vero carmen triumphale praescribit, & allegando testimonium Prophetæ speciatim quasi digitum intendit, quis sit ille, qui è manu mortis & inferni nos liberavit & victoriam praeclaram hanc nobis peperit, nempe Iesus Christus. Ideò enim protinus addit: Gratia autem DEO, qui dedit nobis victoriam PER DOMINVM NOSTRVM IESVM CHRISTVM. Sic Paulus ipse Christianorum sententiam comprobabat, Calvinì verò risum & sannas Apostolica severitate compefcit.

Hunc igitur in modum quatuor vaticinijs de resurrectione Christi non aliter tractatis, ac si quis nucibus

ludat aut tesseris : quid quaeso certitudo
 dinis ex scriptura Veteris Testamenti
 relinquetur huic articulo ? Si quærat
 aliquis Iudeus, ubi in Prophetis sit præ-
 dicta illa Messia ex mortuis resuscita-
 tio, quam nos predicamus evenisse in
 Christo ? tum nec ad Psalmi 16. testi-
 monium, quod primum duxerunt
 Apostoli, patebit nobis perfugium, ut
 quod Calvinus ipse ad probandum in-
 utile fecit, de Davide exponens, & se-
 pulcri, vocem à genuino sensu per me-
 taphoram deflectens. Sed nec in Mi-
 cheæ vaticinio pedem figere licebit,
 ut nec in Oseæ Prophetæ dictis, siqui-
 dem ea nihil ad rem præsentem confe-
 rant, si proditorijs his elusionibus &
 plenis Iudaicæ perfidiæ nequitiæq;
 strophis aliquis in Ecclesia locus con-
 cedatur.

Vatici-
 nia de
 Ascensu
 Christi
 in cælos.

Sequuntur iam dicta, quibus Af-
 censiōem Christi in cælos prædixerunt
 olim sancti Prophetæ. Et quidem illu-
 strissimum est, quod Psalmo 68. posi-
 tum

tum Divus Paulus ex professo citat, indeq; arduum hoc caput fidei palam astringit. Acclamat Messia Domino Propheta regius: Ascendisti in altum, captivam duxisti captivitatem, dona dedisti in hominibus. Paulus Apostolus hoc cum allegatum explicat scribens: Vnicuiq; nostrum data est gratia iuxta mensuram donationis Christi. Quapropter dicit: cum ascendisset in altum, captivam duxit captivitatem, & dona dedit hominibus. Ceterum illud ascendit, quid est, nisi quod etiam descenderat prius in infimas partes terræ? qui descendit, idem ille est, qui etiam ascendit supra omnes cælos, ut impleret omnia. Habes & Propheta vaticinium, & Exegesis Pauli enarrantis de Christi glorioso in cælos ascensu.

Quomodo verò hæc ex Psalmo 68 citata Calvinus suo maleferiato metaphora tropo debilitet, & proprium eorum sensum res sub Davide gestas

complecti putet; eum verò, quem Paulus sequitur, subtilius deflexum nominet, suprà satis est expositum. Est ergò iam corruptum horribiliter vaticinium de ascensu Christi in cælos primum, idq; minimè insigne & illustre.

II.
Vaticini-
um de
Ascensu
Christi
in cælos
Zach. 14.

De eodem ascensu Domini in cælos sic vaticinatus est Zacharias capite 14. Et stabunt pedes eius in die illa super montem Olivarum, qui est è regione Ierusalem ab Oriente, & scindetur mons Olivarum à dimidia parte sui, versus Orientem & Occidentem vallis magna valde, & discedet dimidia pars montis ad Aquilonem, & dimidia pars eius ad meridiem,

Sententia maximè congrua est hac: futurum, ut Christus ascensurus in cælos stet super montem Oliveti, & exinde mandata det Apostolis, egrediendi in orbem terrarum, ad predicandum Evangelium omni creatura, atq; hinc consecuturum, ut hoc mandato instructi Evangelium in quatuor plagas

plagas mundi divulgant, & mons Oliveti, tanquam mons pacis, quasi fissus in omnes partes orbis secedat, & evadat in montem magnum Ecclesie DEI, inter cuius medium tamen vallis horrenda ijs ipsis in locis, unde mons Oliveti moveri cœperat, nempe in Iudaea, sese horrendum in modum aperiat, quam averfentur & fugiant omnes p̃j, quareiectio Iudaica Synagoga & Iudaea vastitas non ambigüe notatur.

Hanc expositionem Christianam congruentem textui, & rerum eventis exquisitissimè respondentem repudians Calvinus, pro supercilio suo scribit: S C I O hæc omnia allegoricè exponi, quòd scilicet Christus apparuit in monte Olivarum, cum ascendit in cœlos: deinde quòd divisus mons ille fuerit, ut esset permeabilis, & transirent Apostoli in diversas mundi plagas, ut ita expugnarent omnes gentes. Sed A R G V T I Æ istæ sicuti multis placent, ita ubi quis propius

L S

eas

Christianorum
inter-
pretum utro-

diata quæ
Christum fa-
piunt, sunt
Calvino
argutæ.

Quam ob-
scura & cou-
orta para-
phrasia.

eas expendet, parùm firmæ sunt. **E**
G O igitur simplicius accipio, quod
dicit Propheta, nempe manum DEI
fore satis conspicuam, ubi succurrere
volet miseræ & afflictæ Ecclesiæ. Eo-
dem etiam pertinet, quod dicit, *Val-*
lem magnam fore mediam, quia scin-
detur dimidia pars versus Aquilo-
nem & dimidia pars versus Meridi-
em. Perinde est, ac si diceret, Ieroso-
lymam quasi latuisse sub monte illo,
ut esset obscurior, sed fore postea in ex-
celso loco.

Nullam au-
dis applica-
tionem par-
tium Pro-
phetica dicti
de quatuor
plagis mun-
di, de valle
magna inter
media: sed
tantùm ge-
neralia quæ-
dam verbo-
rum involu-
cris reſta &
intricata.

Et in precedentibus sic conatus
est referre sensum Propheta: Stabunt
pedes super montem Olivarum. Non
luit hic promittere miraculum, quale
concipere possent imperiti ex litera:
sicuti etiam ubi paulò post dicit;
Mons ipse findetur & dimidia pars
verget ad Orientem, dimidia altera
ad Occasum. Hoc nunquàm conti-
git, ut scinderetur mons ille: Sed
quoniam Propheta non poterat in
gravis

gravissimis tentationibus, quæ cunctis poterant opprimere pias animas, sine figuris extollere, quantum res poscebat, DEI potentiam, ideò sese accommodat, sicuti dixi, ad modulum carnis. Summa est, tam illustrem fore DEI potentiam in liberanda Ecclesia, ac si DEVS ipse visibili modo se ostenderet, & specularetur prælium ex montis cacumine, & mandaret etiam pro imperio, hoc vel illud fieri.

Habes igitur, pie Lector, depravatam dictum alterum, quod in veteris Testamenti scriptis Prophetis testimonium dicit de ascensu Christi in cælos.

Reliquum est, ut ventilentur ea corruptela, quibus torsit vaticinia Psalmorum de exaltatione Christi ad dextram DEI, & dominio omnium creaturarum quod ei tempore gloriose ascensionis in cælos conferendum erat.

Qua de re luculenter Propheta David

concia-

concionatur Psalmo 8. Cum enim
 promississet, quo pacto Christus exinanitionis suae tempore infra angelos,
 (ut Epistola ad Hebraeos asserit) diminuendus esset: mox subsequutura divina glorificationis notationem subiungit hanc: Gloria & honore coronasti eum: Constituisti eum super opera manuum tuarum: omnia subiecisti sub pedibus eius. Et hac quidem non quenkquam attinere alium, prater Christum, gravis autor est Apostolus Paulus 1. Corinth. 15. scribens: Oportet eum regnare, donec posuerit omnes inimicos sub pedes suos. Novissimus hostis aboletur mors. Nam OMNIA SVBIECIT SVB PEDES ILLIVS. Atqui cum dicat (David) quod omnia subiecta sint: palam est, excipendum eum, qui subiecit illi omnia. Similiter Ephes. 1. Sedere fecit eum ad dextram suam in caelestibus, supra omnem principatum, ac potestatem, & virtutem, & dominium, & omne nomen,

men, quod nominatur, non solum in hoc seculo, verum etiam in futuro: & OMNIA SUBIECIT SUB PEDES ILLIVS. Denique Epistola ad Hebræos sic explicat Psalmum: Gloria & honore coronasti eum, & constituisti eum super opera manuum tuarum. Omnia subiecisti sub pedibus eius. In hoc enim, quod ei subieci omnia, nihil omisit illi non subiectum.

Videmus, hæc non obiter allegari ab Apostolis, sed consequentias etiam extrui ad stabiliendam diviniſſimam maiestatem Christi Hominis in dextra virtutis & glorie, quod huic homini, qui paulo prius infra sortem angelorum deiectus ac diminutus fuerat, nunc collatum sit OMNIPOTENS dominium omnium creaturarum, data ei omni potestate in cælo & interra. Hæc divina Maiestas quia sedes est in oculis Diaboli, idcirco splendidissimum istum locum conatur atra & tenebra

tra fuligine per impietatis suæ satellitēs & ministros denigrare. Calvinus certè, ut reliquos prætermittam, aliquam sanè Christi mentionem aspergit, sed nimis parcam & modicam, & quidem non ex professo, sed παρὰ ἑγὼς, occasione conciliandæ allegationis Paulinæ cum suo, quem ipse preconcepit, sensu. Sed neq; hoc sincerè facit, quando Psalmum totum, & hos speciatim versiculos de toto genere humano enarrat, & à proprio sensu, qui Davidis & Apostolorum est, sic deijcit, ut appareat, ipsum à Spiritu non lucis, sed erroris & tenebrarum in effringendis hisce strophis agitatum fuisse.

Commentarius eius sic torquet versiculum: præfecisti eum super opera manuum tuarum: iam ad secundum illud, quod nuper attigi, caput descendit: hinc scilicet constare, quanto amore complexus fuerit Deus HOMINES, & quanti eos fecerit, cum illis

illis dominium contulit rerum omnium. Nam cum ipse nulla re indigeat, in ILLORVM usus destinavit omnem cœli & terræ opulentiam. Rarus certè & incomparabilis honor, quòd mortalis homo vice DEI in mundo tanquam suo iure dominatur, & quocunq; flectat oculos, videt nihil sibi ad beatam vitam deesse. Porro quòd primæ ad Corinth. 15. d. 27. citatur hic locus, ubi de spirituali Christi regno agitur, si cui videtur AB HOC SENSU nimis remotum: in promptu est responsio, nempe GENERALE HOC ESS E, totum mundi ordinem ita esse compositum, ut HOMINVM felicitati serviat. Quomodo id uni Christo propriè conveniat, iam ostendi paulò ante. *Hactenus ille.*

Attende hîc, quisquis es, quantum putidissima Calvinî glossa distet à mente sanctorum Apostolorum, qui haud dubiè Psalmũ hunc rectius ac profundius

fundius intellexerunt, quàm sicutum
 Calvini, totidemq; Beza, vel etiam
 Parai fumum omnem caliginosæ suæ
 intelligentiæ in unum conferant. Pau-
 lus igitur, ut & Autor Epistolæ ad He-
 braeos, intelligit allegatos ex Psalmo
 versiculos de SOLO Christo. Calvinus
 de toto humano genere. Apostoli, quæ
 de domino & subiectione universo-
 rum Psalmus habet, referunt ad O M-
 NIP TENS illud dominium Christi.
 quo super omnes creaturas in solio
 dextre maiestatis virtutisq; Dei de-
 fungitur. Calvinus ad tale dominium
 refert, quale habuit ἡ δὲ ἀνθρώπων
 ante lapsum in natura integræ. Apo-
 stoli prædicant huiusmodi maiesta-
 tem & gloriam, quæ ex admiranda
 illa glorificatione Christi eiusq; ad
 dextram DEI exaltatione resultet.
 Calvinus eam, quæ ex creationis bene-
 ficio collata sit hominibus.

Quod autem addit : quomodo id
 UNI Christo PROPRIE conve-
 niat

niat &c. merus est fucus, quo legentium oculis glaucoma nititur obijcere, quasi ab interpretatione Paulina non recedat aut desciscat. Etenim si non fucatè scribit, VNI Christo PROPRIE hæc convenire; cur ergo non de uno & solo Christo exponit? cur proprium & genuinum redditurus sensum ad universum hominum genus hæc extendit? cur tam propè nihil, tam parcè & non nisi per occasionem allegationis Apostolica meminit Christi? cur gloriam & honorem, quo coronatus dicitur filius ille hominis, interpretatur de generis humani præstantia? cur eiusmodi dominatum à Davide notari somniat, qualis olim Adamo concessus fuit? cum quidem Apostolitam omninò designent, quem Christus solus in dextra Dei (sicut & solus eò exaltatus est) obtineat. Quis non ipsis palpet manibus, Calvinum meris strophis, & præstigijs verborum data opera ludificari Ecclesiam? Omittamus igitur

M

cum,

eum, quippè cæcum & cæcorum ducem.

Caterùm ut colophonem addam, Psalmum 110. incipientem ab his: Dixit Dominus Domino meo: sede à dextris meis &c. negare non potest, decantare Christi in cælos ascendentis maiestatem & gloriam. Ideoq; fateatur, præcipuè versiculum quartum (iuravit Dominus & non pœnitebit eum, Tu es sacerdos &c.) satis evincere, non de alio quopiam haberi sermonem, quam de Christo.

Interim illa libido corrumpendi scripturas sic medullitùs insedit ei, sic velut in naturam eius abiit, ut cohibere se nequeat, quin versiculo de gloriosissima Domini nostri Iesu Christi sessione ad dextram DE I, Iudaica corruptele fuliginem aspergat. Ita verò circa ea verba (Sede à dextris meis) nugatur Calvinus: posset aliquatenus Davidis personæ congruere, quod hîc dicitur: quia neque temere
re

re solium ipse conscendit, neq; illuc penetravit malis artibus: neque eventus fuit stultis suffragiis, sed DEI mandato regnavit. Imò de cunctis mundi Regibus meritò dici posset, divinitus locatos esse in suo solio: quia cœlesti decreto distincti sunt mundi ordines, nec est potestas, nisi à DEO. *Interim tamen Davidi hac de causa magis ostendit hac competere, quia (inquit Calvinus) cœteris Regibus desit sacra Maiestas, qua excelluerit David, ut esset unigeniti filij DEI imago. Et paucis interiectis: David autem, qui sibi probè conscius erat divinæ electionis, seq; modestè continuerat in privato gradu, donec voce Dei regnare iussus esset, non abs re à communi grege se eximit, ac si diceret, DEVM sibi esse regnandi autorem.*

Hoc ergo sensu ille Magister Israelis autumat posse aliquatenus Davidis persone congruere, quod hîc di-

*citur: Dixit Dominus Domino meo,
sede à dextris meis. At Epistola ad
Hebræos enunciat; nulli Angelorum
hac congruere, nedum Davidi: cui
dixit unquam Angelorum: sede à dex-
tris meis? Et si persona Davidis ali-
quatenus aptari potest sermo ille, quo-
modo Deitas Messia firmiter hinc de-
monstrari poterit? ut quidem Christus
hoc versiculo Phariseos sic urget, ut
non suppeteret quod, responderent? Si
assitisset Phariseis Calvinus, sugge-
rere potuisset responsum, illud de ipso
met Davide posse intelligi. Atqui hac
ratione prodidisset se Phariseis ipsis
amentiozem. Certum est, Davidem
ex afflatu Spiritus sancti esse Psalmi
huius autorem, ipso etiam Christo as-
serente. David ergo non sibi, sed DO-
MINO suo dictum esse ait, à Domi-
no: sede à dextris meis. Num verò fin-
gemus Davidem sic ineptientem: Di-
xit Dominus Domino meo, id est, mihi
Davidi? Num ergo David sui ipsius
Domi-*

Dominus est? Interpres verò est horum Christus, extra controversiam irrefragabilis, Davidem in Spiritu de Christo, suo & filio & Domino, hac effari.

Cum ergò iam insignis hic versiculus, Deitatem Christi, eiusq; secundum carnem maiestatem potentissimè confirmans, strophæ hac debiliore redditus, & Iudæis modus eludendi ceu digito monstratus: tunc demùm velut ex sopore Iudaica temulentia paulùm evigilans, atque nihilominus illam adhuc eructans, ad Christum applicat, quæ prius Rabinorum in modum Davidi accommodarat, in hac erumpens verba: Caterum ne Davidi quidem posse hæc OMNI EX PARTE aptari, patet ex Christi responso, quod Matthæi capite 22. v. 44. legitur.

Imò Calvine, neque Psalmus totus, neque singulatim hic versiculus, in Davidem sive ex parte sive ex toto

quadrat ; sed unicè in Christum Dominum. Nec diffitebitur hoc ullus Christianus, nisi qui poculo soporis, erroris, stuporis, & furoris Iudaici ad nauseam & vomitum usque sit inebriatus & dementatus. Tanta enim res comprehensa extant Psalmo isto, quæ nulli creatura (præter eam solam, quæ cum unigenito λόγῳ personaliter unita est) citra manifestum Idololatricæ crimen adscribi possunt : videlicet sedere à dextris DEI ; & ex illo throno dextra DEI dominari in medio inimicorum. Esse sacerdotem in æternum secundum ordinem Melchisedec, & quæ ibi sequuntur singula & universa.

Quapropter ut receptui canam, detectum satis superq; iudico angelum illum tenebrarum, Iohannem Calvinum, qui ex abyssi puteo emergens, partim detestabili hac & insanâ libidine torquendi scripturas, & propugnacula Christiana Religionis adverte

sus

*ſus infideles Iudaos & Arianos diru-
endi; partim impio in ſacroſanctam
maieſtatem exaltati Ieſu Nazareni
calamo, partim etiam perverso do-
gmate de re tota Sacramentaria, de-
niq; horribilibus ſuis de absoluta præ-
deſtinatione portentis & paradoxis
non minimam Solis partem, ut Apo-
calypſis loquitur, his noviffimis tem-
poribus obſcuravit: trahens magnum
ſtellarum numerum, & unâ ſecum in
abyſſum præcipitem agens.*

*Aeternus Deus clementer obſignes
ſuos, ne & ipſi peſtifera hac ſeductio-
nis Calviniana plaga corripiantur, ſe-
ductos porro ad pastorem animarum
Ieſum Chriſtum convertat, ne in er-
rore pereant, ſed unâ cum omnibus fi-
delibus Deum verè diligentibus æter-
nùm ſalventur, Amen.*

*Hac de Calvinii ſtrophis nefarijs
monere Dei Eccleſiam velui; addu-
ctus ad laborem hunc ſuſcipiendum
Præſatione Doctõis Davidis Parei,*

ut adversus ipsius iniustam criminationem publicè probatum redderem, me in præfatione mea præfixa libello de Trinitate longè minus etiam de Calvino dixisse, quàm dicendū fuerat, multoq; tetriores esse eius corruptelas, quàm ut ullam excusationem admittant.

Si respondere volet Paræus: admonitum volo, ne se suo defunctum officio arbitretur, si in genere aliquid contrà ogganniat, aut nobis veterem illam Calvinistarum cantilenam occinnat, neminem doctrinam Ecclesiæ de adorando sacrosanctæ Trinitatis mysterio, deq; eterna Christi Deitate contra fanaticos doctiùs & fortiùs hoc ipso viro (Calvino) asseruisse. Exolevit hic sermo: & pridem innotuit Ecclesiæ Dei effrenis iactantia, quæ vestrorum quidem hominum dicta non aliter ac de cælo delapsa oracula suspicitis & cernui veneramini: cæterorum autem, qui vobiscum non
sentia

sentiunt, labores adunco naso suspenditis.

Faceſſat etiam illa gloriatio de Serveto, Gentili, & ſclerum ſocijs, Alciato, Blandrata &c. acriter à Calvino repreſſis. Pridem enim & hoc inclaruit in orbe Chriſtiano, quibus ex Scholis & Eccleſiis ipſa illa immania portenta prodierint. Nec obſcurum eſt, hoc genus eludendi ſcripturas, quo Calvinus utitur, eſſe Diabolo exoptatum adminiculum, unius poſt alterum teſtimonijs firmitatem in cordibus hominum concutiendi, donec ad conſtitutam Ariana hæreſeos metam illos etiam nil tale cogitantes perducatur.

An infirma ſint veterum argumenta contra hæreticos, ut Calvinus, & hunc ſecutus Paraus ſomniat, cunctis quibus vel mica ſani iudicij ſuper eſt, æſtimandum committo. Valeat etiam procul ille Calvini delectus ſine omni iudicio inſtitutus, quo ex ambitione mera ſexagenarios depon-

te deicit, interpretum Christianorum
sancta meditata respuit, ut suis ipse
placitis regnum in Ecclesia possideat.
Etenim si tu, Paræ, dixeris, Calvi-
num meritò reprehendisse veterum
interpretum explicationes super lo-
cum Genes. 19. Pluit Iehova à Ieho-
va &c. super Psalmi secundi versum:
Filius meus es tu, ego hodie genui te:
super versum Psalmi 33. Verbo Do-
mini cæli firmati sunt, & spiritu oris
eius omnis exercitus eorum: super
verba Christi: Ego & Pater unum
sumus Iohan. 10. & si hoc postremum
de unitate consensus non essentia,
Magistrum tuum Iohannem Calvi-
num imitatus, intelligendum esse pro-
nunciaveris: dicam ego, te scientem,
volentem contra sempiternæ veritatis
stimulum calcitrare malle, quàm DEO
gloriam, ostensa q̃. veritati palmam
concedere. Sin verò diffiteri non potes,
rectè hæc testimonia contra Arianos
ab orthodoxis Patribus esse usurpata,
quid

quid ergo (malum) de delectu, nescio quo, quem Calvinus adhibendum duxerit, à Patribus verò is minus sit observatus, nugacissimè concionaris?

Quod etiam obvertis, non numero argumentorum contra hereticos esse pugnandum: iam dissolutum est, & ostensum, quæ Calvinus infirma esse precipit, esse solida & invicta. Neque sine causa Spiritus sanctus unum idemq; toties in scriptura repetit, nimirum, ut & pondere & numero testimoniorum in sancienda fide articulorum salutis confirmet animos nostros, & vicissim hostes verbi sui, non tam pondere & gravitate, quàm multitudine atque numero consentientium dictorum Scriptura confundat & obruat. Siquidem ipsa quoque multitudo testimoniorum Spiritus sancti, & unius eiusdemq; rei frequens iteratio mirifice nos in fide confirmat, iuxta Paulinum illud Philip. 3. eadem scribere

scribere vobis me quidem haud piget, vobis autem tutum est.

Quodq; Calvinus contra haereticos illos pugnavit, non negatur ea parte fecisse rectè. Quanquam certè Σεβλῆ sua ansam præbens Diabolo, ut ex ipsius Scholis emergerent Antitrinitarij numero non pauci: quid ferè aliud fecisse putandum est, quàm qui alios substernentes ignem adificio adiuvant, & ubi paulò post fervet incendium, & sævit flamma, diligentem ipsi quoq; præstant in eo restinguendo operam.

Quod attexit Pareus, cum Spiritus Prophetarum subiectus sit Prophetis, scripsisse Calvinum, non præscripsisse Ecclesiæ interpretationes & sententias suas; ne hoc quidem verum dicit. Obsecra enim te, num hoc est Prophetis esse subiectum, si quis non tantùm Christianos Scriptores Veteres & Neotericos tam carpat odiosè, tam acerbè subsannet & irrideat, eosq; his ornet

net emblematis, quòd sine caussa tumultuentur, acrius exagitando Iudeos, quòd argutè Philosophentur, afferant argutias, abutantur locis Scriptura, in alienum sensum ea torquant, idq̃ nimis violenter, volitent in aëre, & tales afferant interpretationes, quæ meritò rideantur à Iudæis: sed insuper ab Evangelistarum & Apostolorum explicatione manifestè recedat, eisq̃ hanc notam palàm impingat, quòd dicta Prophetarum subtilius ad Christum deflectant, imò quòd ad suum institutum deflectant id, quòd in scriptis Prophetarum ALIO SENSU dictum fuerat, quòd videantur scripturam intempestivè ad causam suam TRAHERE, quòdq̃ negligendo figuras, quas Calvinus usurpatas somniat, à nativo sensu Prophetarum discedant. Hoc certè non est Prophetis subijci, sed in ipsos Apostolos & Evangelistas sibi virgulam censoriam vendicare superbissimè.

Vt


Vt autem liquido constet, Parae, ad quid respondendum tibi sit, si respondere voles; scias velim, me in his, quae allegata ex libris eius sunt, non indifferenter totum semper contextum reijcere, sed ea duntaxat, quae in notationibus meis, vel praemissis, vel subiunctis, falsa & erronea esse commonstrantur. Quemadmodum neq; omnem vel metaphora vel reliquorum troporum usum reprobo, sed duntaxat petulantiam istam, quae, quae propriè dicta sunt à Prophetis, etiam Apostolis idtestantibus, nihilominus metaphoricè vel tropicè Calvinus exponit sacrosancta oracula de Christo per lusus istum aleatorium ad Iudaicas glossas inflectens, quod exemplis aliquàm multis est ad oculum demonstratum.

Maturius respondiissem Parae, si Praefatio eius citius in meas pervenisset manus. Verùm ut in Proverbio est, sat citò si sat benè. Respondebit etiam.
Deo

*Deo dante, clarissimus Theologus D.
Samuel Huberus, quem Paraus effion-
ti & immani audacia per notorias &
in luce expositas calumnias coram or-
be Christiano deformare conatus est.
Dominus Iesus Satanam sub pedes no-
stros conterat citò, & à luce Cal-
vinistica clementer liberet
Ecclesiam suam,
Amen.*

F I N I S.







O

Su